

詩

谿谷集

十四




奏世夫  
下奏十奏廿年以平

奏世夫

奏世夫  
奏世夫  
奏世夫

奏世夫











谿谷先生集卷之三十

七言律一百六十首

秋日訪敦詩別業

平明騎馬出都門十里郊墟桑柘繁華嶽晴雲迷  
遠壑幸州寒日見孤村畦蔬園果供秋味紫蟹黃  
鷄入晚飧更喜主人多雅趣茅簷展席對甌搏

漫賦

默所居士愛清虛凝塵滿席常湛如雖然上了一  
大事也曾不肯三上書舊耽着棊今已懶戲喜作  
詩還復踈閑來散策倦來睡兀兀騰騰不願餘



閔旱

滌滌山川作赫曦農夫輟耒只嗟咨朝廷豈乏為霖雨雲漢何人解賦詩潭底老龍難自保轍中枯鮒有誰悲峽雲江霧渾無賴柰此淒風盡日吹

喜雨用閔旱韻

誰潑玄雲蔽赤曦上天應念下民咨明時剩得豐年慶閔旱翻成喜雨詩野外漸看枯麥潤陌頭無復老農悲高軒徙倚微涼入任逐斜風拂面吹

詠錦陽都尉新第八景

主家西第好樓臺宛洛風光勝事催無數濃花紅



勝錦幾株新柳翠成堆佳辰不惜登臨費上客偏  
憐枚馬才蕭史亦耽人世樂彩雲無意向蓬萊

右春

庭槐濃綠送輕飈涼意何煩羽扇搖挑簾剩留住  
客坐蔗漿頻遣侍兒調貪追河朔拚高會懶向天  
門趁早朝風磴雲端無警策擬將何語和秦篇

右夏

金井高梧葉正稀涼生薤簾暗螢飛佳人篋裏收  
紈扇公子身邊進袂衣葭管玉衡催節序蕙畦蘭  
畹損芳菲朱門豈解傷秋意長對清樽送落暉



右秋

朔風吹雪暗天衢  
帳裏羔兒作煖爐  
寶炭屢添烘虎豹  
輕裘幾襲擁貂狐  
新詩絕喜無寒語  
豪氣還能下腐儒  
不必山陰遠乘興  
華堂留客醉氍毹

右冬

入奧經堂不動塵  
誰教噓吸起青蘋  
蘭臺勝事仍堪賦  
鄭圃真遊便可親  
任攪長林生爽籟  
莫飄繁蕊減芳春  
秦樓行樂長無極  
吹送笙歌度四隣

右風

良宵對月興無窮  
百尺高樓倚半空  
萬里山河光



瑩澈幾重簾戶影玲瓏寒蟾露兔呈真態玉斧鉞  
九認化工最是主人能好事清遊長與勝流同

右旦

雨足森森接遠岑綠窓朱戶靄輕陰竹簷對奕紋  
揪潤花院開樽綺席淋涼意欲生供晚睡好詩催  
就費長吟知君不用憐聲伎剩有青蛙數部音

右雨

薄雲斜照映樓頭空外殘雷響未收小塢濛濛花  
影暗長堤藹藹草香浮棋朋酒侶堪相問戲蝶嬌  
鶯不自由無限風光誰管得拚供詩料入閑愁



右瞻

次韻

浮塵結習漸消除只為窮愁好著書中歲聲名憑  
小技半生精力在三餘貧同南阮仍耽酒學愧西  
河更索居春事向闌長閉戶小齋花影一簾疎

次韻酬金晦而二首

虎豹磨牙守九關孤忠難徹五雲間摧殘意氣長  
捫舌點檢生平肯厚顏躍馬少年誇紫綬焚魚學  
工愛青山著書却是窮愁障未許幽人到底閑  
與君同病各牢關結習猶存竹素間城市不妨三



逕將利名那到一瓢顏甘將短褐沉昭代好把長  
鏡斲碧山晴晝據梧無箇事紙窓香縷不勝閑

示金晦而四首

故人今戴鹿皮冠為寄新詩許我刪已覺才名為  
六累那將富貴博長閑形骸自笑秘中散詞賦誰  
憐庾子山別有幽居新活計蒲團默坐契無還  
踈蹤與世百無宜閉戶比隣見面稀風轉空階搖  
草帶雨過深院長苔衣閑人已得安心法俗子誰  
關杜德機獨向東籬移晚菊歲寒心事肯相違

移菊



城玉僻處是吾廬竹几蓬明生事疎因讀老莊增  
散誕謬將詞賦竊名譽維摩卧疾閑方丈潘岳閑  
居陪板輿長夏寂寥無一事坐看山鳥下階除  
小少從遊翰墨場晚塗榮悴略相當平生漫有傷  
時淚九死猶存疾惡腸南郭冲襟忘物我北窓高  
趣傲羲皇寬閑寂寞容吾輩任作詩窮與酒狂

苦雨

南山北山雲漠漠出門入門雨浪浪蛙鳴閣閣苦  
相聒屋漏床床難自防麥熟登場漂欲盡菊生滿  
砌爛堪傷窮閭十日炊烟冷裹飯無人餉子桑



早發板橋店

晨發板橋官路脩客子弊衣風露秋寒虫切切草  
間語缺月輝輝天際流馬上瞌睡不成夢眼中景  
物添却愁人生百年各形役南去北來何日休

經素沙戰場三首

天兵大破  
倭奴處

憶昔王師破島夷前軍突將領熊羆至今戰血川  
原染當日威聲草木知萬馬攢蹄先奪氣長鯨授  
首早封尸東征第一奇功地却欠書生為勒碑  
三韓再造擅奇功十載妖氛一掃空狡虜豈容留  
片甲勝美知是出元戎陣雲壓野晴猶黑鬼火依



林冷不紅匹馬書生吊古罷秋風倚劍氣如虹  
漁陽突騎若雷霆一鼓無前劇建瓴長有風雲舍  
殺氣永令蛇豕龍言皇靈氛消海徼仍無警血入川  
流尚帶腥東土至今耕鑿穩百年勲業照丹青

客懷

山門日夕下麈尾七月西風落稻花  
虛館暮烟寒入戶小溪秋雨漲侵沙  
窮途鬱鬱長為客歸夢迢迢幾到家  
羈旅不堪衣帶緩苦吟空復送年華

漫吟

默所居士懶鈍姿半生身命苦多奇  
偶工文字偏



招謗不解趨營絕似癡杜老故應悲漢落莊生自  
是喜支離如今作客湖山外羈思悠悠只賦詩

南溪觀魚

晨往南溪觀打魚決開積水羣鱗拈銀刀玉尺大  
狼狽長叉巨網爭喧呼漁子效獲憐响沫庖人所  
鱠供腹腴人生一飽真有數久客不妨留歡娛

清陰丈人以七言八句五章寄贈辭調兼美  
蔚然有唐人風致客中諷詠羈愁頓釋攀次  
斐然用宣伊鬱兼伸謝忱

斯文誰復振頽風大雅端宜屬鉅公今世故輕千



古事吾人枉費半生工  
高秋病起身無健  
久客愁來酒有功  
寥落眼中知己遠  
側身長望思難窮  
五首新詩贈我行  
百生珍重見君情  
倦遊已覺黃金盡  
知己能令白壁輕  
千嶂暮雲低迥野  
一溪寒水抱孤城  
風塵落魄長為客  
莫怪秋來太瘦生  
男兒事業未渠央  
往跡真同夢一場  
梁氏五噫何太苦  
士師三黜固其常  
途窮轉覺文章進  
身隱還嫌道義彰  
我輩只應長漫浪  
清朝濟濟足才良  
旅館荒涼枕水隈  
異鄉多病強登臺  
長林露冷鳴蟬歇  
大澤秋高候鴈迴  
芳草何緣遺遠者  
白雲空



復思悠哉清陰學士今安穩更有新篇附遞來  
連山迢遞入長望積霧停雲隔故鄉長缺不堪羈  
思苦綈袍誰念客衣涼餘生好返衡門穩舊迹休  
思粉署香今日欲成秋興賦二毛無那惱潘郎

秋懷八首

八月秋高白露團異鄉多病帶圍寬風鳴北戶催  
寒氣雨入南溪送急湍騷客賦成思御袂故人書  
到勸加餐平生蕭瑟傷搖落况復湖山行路難  
數株官柳葉全稀寥落空堂送夕暉橫野暝烟輕  
藹藹入簾新月冷輝輝馬生盡日彈長鉞審子中



宵怨短衣回首止望千嶂合白雲天際只孤飛  
弼雲西麓是吾廬門巷依然仲蔚居曾植晚楓三  
歲許為移時菊十叢餘寒泉曉汲宜烹茗小閣晴  
開好展書秋日想應幽賞足可憐孤客未歸歟  
憶曾通籍禁垣深五色雲中奉玉音便殿旦朝  
簪彩筆直廬涼夜擁綾衾泥塗一落凋雙鬢膏漢  
三年繫寸心歲晚滯留湖海遠不堪愁絕短長吟  
一庭黃葉走風前滿目郊原積暮烟歸思已拚輸  
社燕苦吟無賴伴寒蟬窮途意氣空看劍末路文  
章不直錢詞客古來推宋玉楚騷還有凜秋篇



海內知音石室翁別來相憶寄詩筒高才判不容  
寒世苦調端宜入變風懸榻向來延孺子拜床何  
日謁龐公清秋嶽麓烟霞裏應有新篇轉益工  
滄浪放逐困江潭谷口沉綿卧一庵才子古來多  
薄相故人何日接清談南溪夜雨寒生漲北嶂秋  
陰晚送嵐招恨天涯相憶處登山臨水思難堪  
墻頭短草也能青却與芝蘭一併零天道豈應無  
肅殺物情終自惜芳馨蛟龍冷蟄藏鱗甲鷹隼高  
飛奮翅翎湖海旅人增萬感濁醪聊復慰沉冥

西原拜謁外王父墳塋



蒼藤老樹擁佳城  
霜露淒涼倍愴情  
家世豈能忘  
自出典刑還愧忝  
彌甥香燒一瓣秋  
雲斷莫罷三  
盃晚照傾孱懦  
敢期成宅相  
擬收遺事效淵明

湖海

湖海思歸客  
夢勞望鄉臺  
上首頻搔  
千山落日秋  
聲起萬里晴  
天鴈影高世  
故慣經廿屏  
迹詩情渾  
懶強操毫  
風塵旅食  
朱顏改  
慘慄長吟  
楚客騷

高秋

高秋極目思  
茫茫強翅  
西風數鳴  
行一樹丹  
楓明  
晚日滿林  
黃葉墮  
輕霜羈愁  
浩蕩  
惟堪睡  
壯志蹉



跼轉悔狂京洛故人相憶否少年多病鬢毛蒼

北歸

七月南來九月歸北風淅淅吹征衣人生汨汨半  
行役世事悠悠多是非山際平田鴈鷺下路傍短  
草鶻鶻飛還家喜近重陽節白酒黃花興不違

月汀先生挽詩代入作

三朝遺老幾人存大耄崇班迫獨尊海內文章推  
哲匠斗南標望愜公言龍蛇舊識今年驗是年大  
歲在丙辰奎壁寒光一夜昏東土賴公倫紀正向來宗  
柘久樹冤



早寒有懷呈清陰公

孟冬之月大凌兢慘慘乾坤積氣凝萬里風雲來  
朔漠一時冥頊震威稜朱門客醉艷能暖雪榻人  
愁硯滴水却想城陰索居處擁衾搔首對寒燈

送月沙相公赴皇都

專對應推第一流早年文彩播中州雲霄聲斷尚  
書履歲暮寒生使者裘丹闕曙烟迷入仗至河春  
色動歸愁驚書翟第從天降快覩東來紫氣浮

送天章點馬隨侍尊尚書朝天之行送至龍

灣



相公銜命覲 皇高才子翩翩擁傳行入眼江山  
花筆健映身簪笏彩衣輕笙歌剩奏將雛曲鐃鼓  
愁聞出塞聲應向統軍亭上望五雲多處白雲明

桂陽途中早行

野田漠漠鴈飛低二月江城霜滿蹊望裏乾坤許  
空闊朝來物色仍淒迷承明鎖闥夢不到海野林  
塘身可栖儒冠誤却半生計盡賣書籍供鉏犁

又成

瘦馬吟嘶踏曉霜桂陽山外野茫茫寒鴉得意喧  
墟落春鴈無心戀稻梁滿腹詩書添落魄五侯賓



客忌踈狂歸田好縛三間屋兄弟東西住不妨

次韻寄畸庵子

已判平聲榮落聽洪鑪高卧城西舊樊廬烏几蠹編  
供寂寞濁醪麤飯度朝晡未應壯志銷磨盡不柰  
流年合背徂湖海故人多病後歛來豪氣作臞儒

暮色

暮色蒼茫自遠來小齋清坐思悠哉閑中轉覺交  
游闊病裏都忘歲月催廢井鳴蛙經雨歇暝林棲  
鳥破烟迴餘生偃仰逢蒿底介芥何曾到散材

用諸公韻寄題李殿中晚翠軒



幾年簪組縛閑人  
龍尾趨朝趁卯寅  
剩辦一丘存  
晚計却栽雙翠占  
長春風霜正好看  
標格結構那  
煩頌奩輪更待他  
時登眺罷為拈詩  
筆細傳神

鄭下叔江亭次韻

亭下澄江百丈深  
數村籬落帶青林  
連山霽色開  
圖畫迥野烟光入  
瞰臨身外不須勤  
覓道世間誰  
與共論心  
去年詩句君應記  
江路長騎款段尋  
曾  
有  
款  
段  
長  
尋  
漢  
水  
邊  
之  
句

次韻贈鄭下叔

常怪吾儕搃尚玄  
定應清淨有前緣  
早年詞賦真



聊爾末路升沉亦偶然  
梧兒總看南郭隱  
葛巾閑對北窓眠  
江湖滿地風烟闊  
煩暑都忘六月天

次韻寄題朴卓爾廣陵溪亭

半生流浪是非中  
翻羨田頭叱犢翁  
容我就分南漢月  
共君閑占北窓風  
村依大麓長林黑  
徑轉寒溪苦蘂紅  
尋得遂初良已晚  
笑來吾道只應窮

初秋索居湯詠

居士生涯有老妻  
短簷低屋似鷄栖  
散材自幸全樗櫟  
鹿飯何曾厭藿藜  
積雨乘秋仍漠漠  
晚涼延月乍淒淒  
平生不作朱門客  
免踏長安十日泥



夕望

浩浩亭前斜日時  
晚潮初上海雲垂  
江山寂歷人來少  
浦溆蒼茫鳥去遲  
三徑贗專陶令趣  
九秋休作楚人悲  
還憐機岸漁舟客  
泛宅浮家任所之

秋雨夜坐次張生韻二首

浮世蹉跎路轉窮  
昏花著眼已濛濛  
樽前壯膽輕浮白  
鏡裏臞顏暫伴紅  
是日隣家置酒  
余強飲至醉  
滿地雲烟連海色  
一秋風雨暗寒空  
紙窓燈火青熒處  
無限

詩情在此中

斷送重陽素律窮  
一天涼雨晚冥濛  
任沾衰草難



回綠定妬寒花暫駐紅欲破牢愁須引滿強將幽  
意獨書空明朝匹馬衝泥去黃葉紛紛客路中

時庵子聞余歸農寄詩次韻以答

此身何處不堪居廢圃荒田手自鉏無事喜專方  
文室虛名悔讀五車書收來芋栗深穿窖種得桑  
榆遍遶廬鹿飯濁醪生事足故人相念漫勤渠

大雪二首

朔風驅雪滿天來一夜茅簷壓欲摧枯樹乍聞寒  
響急小窓全覺曙光催村童晚汲通新徑竈婦晨  
炊撥舊灰遍墮青苗埋不凍豐年賸待麥秋迴



海天漠漠海雲垂雪勢風威併一時凍逼蟄龍號  
大壑寒侵栖雀墮空林望中不辨斜斜迳堆處平  
埋短短籬閑擁地爐燒楸拙病來孤負灞橋詩

歲暮

獨將一鬢閱流年歲暮田園倍悄然驚雀踏翻枝  
上雪凍鷗衝斷屋頭烟多生不盡還詩債好事無  
人送酒錢京國未聞消息好破窓寒日掩塵編

悶

忽寒忽暖已歲晏乍雨乍雪何時晴幽窓掩翳落  
照色遠林號怒顛風聲正好酩酊酒誰送湯爾吟



哦詩不成世間無事可稱意天際浮雲縱復橫

疊韻贈冲淵君與二都尉十首

時二君將至事譴謫

羸驂欲出快深泥詠罷君詩暗覺悽妙境自應起  
色相天機元不滯荃蹄身如病驥長垂耳迹似驚  
鳥未定栖入世絕難尋樂土暫煩從事到青齊

清水芙蓉不染泥得君心事為君悽人經多難偏

凋鬢馬涉長途幾脫蹄

兩君連年作峽中湖外空之行而君與已見二

憶昔年饒樂緒不知何處各羈栖秦樓楚澤行將

隔只是高情寵辱齊

雨後閑庭滋履泥悄然無那客懷悽槍榆却笑培



風翺伏擁猶存歷塊蹄四海親朋行落落十年身  
世轉栖栖看來萬變同泡幻一切紛紜一切齊  
一顆磨厄百尺泥羹來人事只堪悽神龜本自愁  
留骨野馬何曾願鑿蹄要路共營三窟地殘生聊  
占一枝栖憐君懶散渾相似不獨詩名與我齊  
不踏長安十日泥端居萬念轉悽悽安排詐敢辭  
虫臂閱世唯須足褭蹄勉保清真修白業莫教遲  
暮負冥栖偶然酬唱仍成什詩價從今重火齊  
掠簷新燕落芹泥佳節翻令意緒悽塵榻有時拋  
簡策席門終日斷輪蹄閑雲本自無行迹倦鳥猶



堪匹舊栖昨夜東風微雨過小庭春草漸看齊  
我獨何為在滓泥十年蕉萃轉堪悽虛名正是添  
蛇足壯志翻成繫驥蹄厭逐權門褊襪子欲參禪  
衲水雲栖閑齋卧聽風林響萬竅調刀過耳齊  
朝入青冥暮濁泥見君流落使人悽玉簫翻作淒  
涼曲金埒空留款段蹄秦地忽分鷓鴣伴楚雲行  
共鷓鴣栖平生多少樽前客誰似虞卿送魏齊  
寧甘爛死委沙泥恥向兒曹色慘悽南畝穩騎黃  
犢背東家不借蹇驢蹄百年癡黠都無籍滿地江  
山揔可栖天上浮雲饒變態白衣蒼狗未嘗齊



長吟獨漉水中泥，昏墊關心倍愴悽。  
逐客幾時重會面，征驂從此各分蹄。  
風波莫負平生志，歲暮祇尋寂寞栖。  
盈缺請看天上月，古來人事不曾齊。

張生希援寄詩責余久失歸期次韻以荅

海上幽居我所思，一來城市得歸遲。  
交親久闊長勞夢，羸病相侵懶賦詩。  
雨後春寒因悄悄，眼中花事正垂垂。  
清明寒食愁邊過，紅藥開時不負期。

哭白沙李相公二首

關塞風霜鬢髮皤，孤臣忠憤欲無吡。  
兩朝元老多泉壤，千古彝倫墮網羅。  
未信天心扶社稷，空留正



氣作山河東岡舊宅斜陽裏不獨羊曇不忍過  
問氣人間未易鍾堂堂寧復有如公百年變故無  
今日諸老聲名在下風自是存亡關氣數難教  
魍魎護精忠巫陽已去鈞天遠廊廟淒涼世界空

詠鶴和張生希稷

仙禽自是異凡禽玉羽霜毛物外心暫別彩雲來  
澤畔為憐明月宿江潭湖田積雪碧苔凍懸圃經  
秋瑤草深肯向塵寰戀飲啄靈標會返閬風岑

歸途冒雨有作寄子謙仲淵天章

去時風雪來時雨客裏酸辛病裏身世故不曾饒



老子天公似欲困騷人半生行役偏凋鬢千首文章  
漫有神從此田居牢閉戶不堪知己間音塵

畸庵子有擬寄之作次韻酬寄

一卧田園事事幽照窓紅日擁衾裯只應善病同  
玄晏難得藏名似伯休學道未能除習氣著書端  
為飽窮愁憐君漫有凌雲手漂泊如今白盡頭

寒食前一日大風霾曠

今年寒食明朝是昨夜狂風終夕喧天桃嫩柳春  
意澁黃霧玄雲天宇昏久客歸來足怱悵新詩詠  
罷饒清溫半生京國送佳節流落只今堪斷魂



送天章佐體察幕府赴西塞

西來殺氣暗胡天  
大將橫戈去按邊  
范老本饒勇  
裡甲子荆仍是幕中賢  
紅旗曉拂遼山月  
玉帳晴臨鴨水烟  
自古王師貴持重  
不煩才子勒燕然

贈別李文大載兼呈賢伯子感文

隔年離別暫時歡  
世事茫茫後會難  
青眼不堪看俗物  
白頭猶自著儒冠  
火雲千里歸程遠  
水國孤村舊業寒  
為問元方相憶否  
異鄉多難更加餐

寄李士以士致士謙諸君

李家羣從問何如  
別後迢迢寄信疎  
正字不曾縈



一命

聞士致不

諸生應復足三餘百年身世無

長策滿地江湖未定居他日倘成鄰舍約灌園開

逕好相於

哀金將軍應河二首

大漠烟塵白日黃將軍力盡死沙場忠魂定不羣  
猿鶴厲鬼猶應殺犬羊四海英雄皆涕淚九重  
褒贈有輝光傷心楚客江潭上漫把離騷吊國殤  
壯志初將大漠吞死綏差足答君恩鼓衰矢盡  
三軍沒雨濕天陰萬鬼冤聞道李陵猶屈膝可憐  
先軫未歸元如今廟筭多遺恨不為將軍早鑿門



寄崔子謙

文昌粉署舊郎官中歲昇沈鬢髮殘三黜不曾拋  
直道十年今始入長安閑中玩易心如洗病裏攻  
詩語帶寒開說海山開別業幾時來把釣魚竿

寄李天章

騷壇誰復敢爭先老色蒼然更自賢昭世飛騰何  
用早妙年詞賦已堪傳須從卷裏窮要眇莫向樽  
前學醉顛好是清羸親藥物不妨同病兩相憐

李生清之負笈過訪海上臨分投贈

較君纔長十年強君領生髭我鬢蒼洛社舊同花



月會海山分占水雲鄉即勤負笈真多愧且得聯  
床也不妨粗飯菜羹堪共飽歲寒相訪莫相忘

和天章聞余與子謙仲淵諸君集茂城第病  
未能赴有詩追寄之作

周南留滯已三年一入長安即勝緣細聽佳入彈

錦瑟共携良友醉華筵欣逢逐客真亭伯子謙被黜新蒙

還教不見臞儒是列仙天章屬病瘦今日得君詩寄到舊

遊回首意茫然

次父後齋居湯筆

藥果書籤居士家無人問疾到毗耶羸軀乍試仙



姑艾燥吻頻思陸子茶筆底波瀾慵後減蒲團功  
課靜來加何堪更值中秋夕寂歷寒房閉月華

病懷

蕭瑟高秋伏枕頻齋居盡日索誰親一生未易逢  
知己多病何須恨故人卷裏新篇還意氣匣中雄  
劍尚精神休教擬我文園令正與維摩作後身

哭晉安都尉柳君義

少年公子最清修豪習何曾一點留濁世翩翩饒  
意氣名流濟濟足交遊孤臣罪累風霜逼二紀光  
陰露電休欲向秦樓歌楚些鳳簫聲斷彩雲愁



秋思一首

屋上楓林錦葉乾  
海山秋思坐闌珊  
重陽過後多風雨  
雙鬢居然近歲寒  
吾道只應長寂寞  
世情無處不波瀾  
遼河未報烟塵靜  
夜夜星文病裏看  
柴門倚杖數歸鴻  
槭槭枯桑響晚風  
無限雲烟秋色外  
幾家砧杵夕陽中  
艱危未敢陳三表  
詞賦那能送五窮  
多少洛城裘馬客  
擬將心事與誰同

送謝恩使洪同樞樂夫

恩勅來頒鰈海邊  
大夫將命赴幽燕  
欲知蕃服酬忠地  
正屬天王赫怒年  
身到玉京瞻日月  
路經



沙塞怯烽烟高才更自逢多難莫向嚴程怨獨賢

客次書懷示仲淵

閱盡人間行路難弊裘羸馬客長安塵埃轉覺江湖樂風雨偏催歲暮寒逆旅孤燈愁自照故人雙鬢兩相看平生不得文章力綠筆縱橫意已闌

次君奭病中見示韻兼呈仲淵

風塵潦倒世回春癡比長康更絕倫吾輩襟期青眼在世間輕薄白頭新一句寒雨愁無奈半夜殘燈悄自親聞說佳辰仍伏枕可憐何地接芳茵

守中夜卧疾有感二首



少日歡娛重歲時  
良宵肯負守申期  
呼盧不放樗蒲局  
浮白頻拈鯨醢危  
遲暮心腸渾變化  
牢騷物色阻親知  
空齋短榻淹愁疾  
冷月青燈翳欲絲  
罵口曾讀柳州詞  
謠俗流傳一段奇  
狂興捻消多病後  
勝遊空憶少年時  
拋書暫罷燈前夢  
擁褐聊成枕上詩  
任爾三彭饒赤舌  
此心元自有天知

除夕先塞齋舍

此歲都從也日休  
西輝迅速若為留  
風塵潦倒雙蓬鬢  
香火凄凉拱木丘  
餘慶未衰嗟薄命  
成書有託只窮愁  
殘宵百感渾無寐  
坐看燈花落枕頭



立春日次

元日纔經一  
來立春方是符  
春迴椒花乍破嚴  
凝逼梅柳行看次  
蕩瀾湖海只堪容  
傲骨風塵誰復識  
仙才沐煩善禱題  
新帖南郭先生萬  
念灰

次天章韻送別畸翁

十年京國共悲歌  
舊迹追思感慨多  
浮世才名憑綵筆  
故園生事付烟簑  
詩壇九曲魂隨斷  
別淚雙垂鬢轉皤  
從此閉門春色裏  
素居應復似西河

別畸翁後有懷再用前韻

行塵已遠輟驅歌  
獨掩柴扉鳥雀多  
壯節未題司



馬柱歸心空戀志和簔玄經就後從嘲白蒼髮搔  
來半欲瞠莊叟無家貧轉甚只應貧粟問監河時  
新喪偶而  
家且貧甚

用前韻寄天章

兩首新詩捻可歌才情還較向時多不知蓮燭歸  
深院何似苔磯舞短簔三黜道存那可枉二毛年  
過不禁瞞君今未脫風波地清濟須防混濁河

送春日平丘途中作

牢落乾坤一旅人十年書劒困風塵愁邊鬱鬱長  
為客馬上悠悠更送春一樹殘花臨驛路滿堤芳



苴映江津詩情不共風光盡着處狂吟便有神

泛波亭次韻

檻外晴川川外林樓居清絕愜疎襟澄波澹澹鋪  
纖練爽籟泠泠當素琴青嶂晚陰生樹頂白雲涼  
影落潭心仙禽墮羽今千載玄鶴墮羽故實源傳蓋至今有鶴橋羽巖  
云悵望琳霄思不禁

將首歸路留贈清陰公別二首

峽裏相看短髮明半生俱是可憐生風塵未得安  
身地嶺海聊為避世行銷骨可堪貧別恨斷魂翻  
作亂離情文章自屬窮愁事努力千秋不朽名



孟夏滔滔草木長客中離合各沾裳論心自幸元  
同調失意那知便異鄉出峽寒雲隨去馬過江疎  
雨濕行裝從今隔斷雙龍氣海北天南夜夜光

再呈清陰二首

徙倚樓頭落日明不堪江草喚愁生楊花落盡鶯  
無賴梅雨來時客未行綠酒難澆歧路恨素書頻  
寄別離情窮途正好同埋照浪得人間李杜名  
川華夜色澹虛明高閣披襟爽籟生心事向來同  
落落別離從此重行行蒯緱歌動燈前恨錦字書  
傳夢裏情堪笑文章差底病白頭猶自戀浮名



途中再用裳字寄清陰二首

倦客經春愁夢長別君雙淚滿衣裳風塵落落違  
知己雲樹迢迢隔望鄉除却殘書無長物携來孤  
劍是歸裝故園生事應蕭瑟空對親眷老並光  
丈人才力一何長黃鵠高飛絢菊裳末路交期惟  
我輩窮途離合又他鄉江樓盡日應憑檻嶺嶠何  
時定促裝相憶不堪愁絕處旅窓松火黯無光

次韻謝仲淵見訪

闌風伏雨滯東城聚散關心夢亦驚詞客古來偏  
落魄故人誰復最多情肯尋逆旅拚佳會却寄新



篇許細評料得定憐揚執戟十年辛苦草玄成

再用前韻寄仲淵天章

憶曾羸馬入秦城風雨靈臺暗自驚  
楚客江潭三載恨漢家宮闕五噫情  
諸君載酒能相訪都尉吟詩得共評  
回首至今勞夢想世間往會絕難成

次韻寄題金長端今是齋

解組歸來江上村草堂孤迥絕囂煩  
林泉暮景優游地花樹乾坤借貸恩  
伯玉知非元不晚淵明寄傲好同論  
維摩自有新生活文室忘言是法門  
何物人間有毀譽百年都是蘧廬休  
官不為功



名薄學稼從教術葉疎苔履好穿樵叟徑蒲團閑  
伴野僧居他時會作柴門客共煮秋畦雨後蔬

送張生希稷下第後歸海西婦家

獨携書笈別親闈久客偏憐眊睺歸攀桂可堪今  
日恨敦瓜羸得隔年違愁邊海月團團影望裏江  
雲片片飛却想秋閨粧淚盡何心更斷錦文機

送人朝 皇都賀至

陽律初回碣石宮星槎遙泛析津東文章自屬君  
家事禮樂行觀上國風千里關河秋色裡九天閭  
闔霽雲中不愁遼塞烟塵近聞說熊公節制雄



送高書狀君涉朝天

九地微陽一線回  
明堂寶曆斡璇魁  
不知萬國衣冠會  
誰似三韓使者才  
黃道日開新氣色  
紫宸雲慘舊樓臺  
憑君為吊談天客  
竭石遺基但草萊

宋同樞英耆挽詩

閉戶東城歲屢更  
萬緣都盡寸心明  
孤忠本為酬恩地  
純孝徒深錫類情  
劫火不曾燒正氣  
青山那忍奪豪英  
沙翁墓草今三宿  
泉路還應一笑迎

成文浹挽詩

憶曾床下拜龐公  
標格居然長者風  
人道禁方傳



肘後我知經術滿膏血  
虫枉累孫思邈田子誰  
憐絳縣翁海北天南生死別  
一杯無路洒秋蓬

李驪州綏祿挽詩

浮世升沉五十年暮途心事有誰憐  
中書詞掖由來貴下澤巾車也自賢  
荷鍾劉伶應醉死揮毫張旭豈真顛  
神竒臭腐元無定一卧黃壚謝萬緣

次韻寄謝仲淵二首

玉樹蕪葭愧接聯八仙名號記張顛  
身同平子歸田日齒過潘郎寓直年  
病入新年差得健閑逢永晝只耽眠  
春風湖海騎驢客都尉豪華也可憐



莫逆交情似飲醇可憐心事各天真樽前分袂曾  
嫌促別後傳筒不厭頻寂寞玄經翻自誤猖狂白  
眼任他嗔佳期好趁花開日詩草棊枰共爾親

聞河清喜賦

大河三日迥澄光天意丁寧泰運昌九派連空開  
鏡色千泓澈底映星芒星宿海者河源也湧出百餘泓圖書  
窟宅無泥滓川瀆神祇奏吉祥紫塞兵塵應洗盡  
何煩壯士挽銀潢

聞瀋陽不守二首

遼河消息不堪聞羯虜南來氣若雲方畧舊稱熊



御史撻戎新失賀將軍金戈未蹠羶裘血粉黛都  
隨鐵馬羣廊廟諸公皆肉食擬將何策靜妖氛  
聞說遼陽事轉危天驕新拔漢旌旗鑒巫山下烟  
塵暗太子河邊鼓角衰但使中原管仲在不教東  
海魯連悲倡優鐵劒看消長回首蒼梧淚自垂

次韻酬天章將遊金陵見寄之作

多病誰憐舊翰林向來歡會者難尋茶湯每遣山  
妻煮麥酒時同野老斟聞說扁舟遊海浦可無高  
興訪山陰遙知嘯傲詩成處紫綺烏紗映碧潯

題臺監契會圖

代人作



清朝濟濟殿中班法府峩峩柱後冠刺舉何曾存  
故事官衙猶得擬臺端霜晨鍾漏公叅急暇日杯  
觴勝會拚箇裏閑忙俱物色不妨輸入畫圖看

余與李昌期俱受暗行之 命昌期得嶺南

余得湖南同行四日臨分贈別

黃埃赤日短長亭繡服真成夜裏行天上使星分  
彩去路傍驄馬失羣鳴沿湖物色吾能賦過嶺山  
川子有情清漢終南長在夢幾時含笑入春明

曾謫嶺南十年  
故茅六句云

趙重峯一軍殉義碑



恨入秋陰鬱不開蟲沙無迹但黃埃時危始覺忠  
言驗兵敗猶令虜勢摧一片青山留琬琰千年烈  
氣挾風雷何論墮淚羊公石長有英雄不盡哀

龍溪嶺

龍溪西嶺向天橫使者高秋擁傳行青兕黃熊跡  
外吼孤雲落日馬前明懸崖忽共蒼山斷危棧渾  
臨絕壑平莫恠書生輕叱馭十年江海有殘生

馬病留金堤村舍閒看園中雜植謾成五咏

鷄冠花

凝丹疊紫獨分明形似居然強得名夜向書窓如



解語曉過茅店若聞聲鳳仙灼灼堪同進馬齒青  
青漫欲爭真假至今都不較小畦秋月弄微晴

南靈草

踈花穠葉擢纖莖不入神農本草經誰遣孤根來  
日域却隨蠻舶過滄溟五芝雖異元無種九節何  
奇漫自馨功川會須煩火候藥攔真覺有神靈

野菊花

自是寒花一種名獨無知己似淵明若論標致應  
須遜但闢芬芳未可輕賴得候蟲相籍在任他游  
蝶不將迎從今老子題詩後會有幽人采落英



烏句

玄玉彫成裊裊枝此君標格此尤奇  
楚江漫染湘妃淚淇澳虛陳衛武詩  
香粉膩來如潤色雪花封處轉多姿  
南川脩竹知何限為爾荒園駐少時

柿林

八月南州白露繁數杯殷葉照荒園  
如看韓子坡璠坐似帶滎陽翰墨痕  
店舍柴荆翻起色楚鄉橙橘好司論  
吾行會過頭流下無限霜林擁石門

高山途中

原隰風埃病自吟大毛晴色爽煩襟  
明時誰有埋



輪事危坂聊憑此馭心地暖窮秋留薄瘴山回亭  
午匝層陰湖南清絕行將遍隨處君恩分外深

記行

蠻風浙浙動黃茅夾路叢生苦竹梢夜裏禽啼多  
是鵬海濱人住欲鄰鮫鹽烟乍傍漁村起落日時  
看蜃氣交若問南州乘傳客此身還復羨懸匏

曉行

踈星殘月曉鷄聲十里村蹊帶夢行林外霜濃寒  
日澹樹頭鴉散白烟輕年光半向途中失詩卷多  
從客裏成題柱未應誇壯節長卿紋切倦遊情



龍溪院樓用前韻

亂鴉啼處斷山橫  
忽憶秋風此地行  
雙鬢欲同殘雪白  
寸心長共夕陽明  
溪沙宿鷺寒誰伴  
峽嶂頑雲莽不平  
強把深盃倚危檻  
客愁還向酒邊生

荒山大捷碑次鄭湖陰韻

聖神乘運濟淪亡  
百戰風雷達劍鎗  
封豕長蛇殲醜類  
白旄黃鉞挽頽光  
靈旗卓得山崖裂  
妖血斑將石薜荒  
清廟萬年歌頌在  
豐碑更記武功揚

次韻寄題歸來亭

青山面面遠茅庵  
朝暮虛窓挹翠嵐  
老去幽栖真



得計客來塵事莫教談  
何人肯學龜藏六  
舉世爭營免窟三  
慚愧曼容官已滿  
強扶衰病趁朝參

碧蹄途中二首

雨餘官路淨無塵  
飛蓋翩翩解趁人  
斜日曛隴臨馬首  
亂雲騰蹙作魚鱗  
艱危未效匡時略  
薄劣真慙報主身  
垂隴陳詩希往躅  
擬將何物享嘉賓  
王事關心只飲冰  
敢辭辛苦觸炎蒸  
川原繚繞聯三角  
草樹蒼茫擁二陵  
野水浸秧雲掩葦  
村田割麥浪崩騰  
羸驂薄晚投山崦  
傳舍無魚但有蠅  
漫用途中韻示許儀曹



征途剩得滿衣塵客裏何期見故人  
候館寧宜收野色行厨却喜薦溪鱗  
精英南省郎官選潦倒東陽病瘦身  
解帶風簷聊息偃不知誰主復誰賓

又用水字

安得身依萬壑冰不堪簷外火雲蒸  
倚風輕燕時相語得雨鳴蛙苦見陵  
白首但論身見在烏皮正好睡  
瞢騰何妨晚飯來同喫也有丫童  
解扇蠅

次正使登漢江亭韻

華裾相映翠如葱心醉仙標醞藉中  
已徬危亭開畫鷁更憑橫吹起潛龍  
樽前欲攬三山色檻外堪



招萬里風佳境，會須煩藻飾。百年烟景屬明公。

次正使揚花渡韻

落日微風彩鷁輕，殘霞如綺蘸波明。千尋石壁巉  
巖骨，萬古江流滾滾聲。人世歡悰須秉燭，天涯物  
色入飛觥。都將別後無窮意，共向樽前細細傾。

次正使登蚕頭峯有感韻

簫鼓嘈嘈殷太虛，憑高未覺壯心舒。遼河此日纏  
妖氣，魏闕何時奏捷書。烏解報仇聞義鵲，人看濡  
沫媿窮魚。江流本自朝宗去，萬國風雲拱玉除。

次副使遊漢江韻二首



錦纜徐牽蕩碧淙仙標映座集詞宗潮分海色迷  
前浦鳥帶嵐光沒遠峯落筆風雲生顧眄滿船簫  
鼓駭魚龍微涼斗覺纖絳薄綠酒休辭盞面濃  
牙檣影落水仙宮白紵歌催酒滿筒人自清都五  
雲至地將方丈十洲通迎風岸幘波如縵倚醉揮  
毫氣吐虹好向東山看月出暫停芝蓋莫忽忽

疊前韻答趙叔溫四首

冷官今日屬儒流能事由來辦劇州蟲臂鼠肝隨  
物化白衣蒼狗看雲浮飲因無事同犀首癡却多  
才似虎頭踈懶只應長屏迹却慙詞翰許追遊



老子平生厭俗流  
論文喜得趙羅州  
談間倘有雌黃語  
座上須將大白浮  
三百篇殘收局面  
五千文在展床頭  
翛然一室無氛垢  
只許閑人共我遊  
懶將衰疾側清流  
欲乞江湖斗大州  
風榻臨書咎紙滑  
午窓消睡茗花浮  
詞場踈濶無心力  
禪窟團圞有話頭  
聞說東城石谷老  
瘦藤長作駱峯遊  
踈散何堪辱勝流  
得君真似識荊州  
潘生官序由來拙  
許靖聲名本自浮  
詩骨瘦生慵琢句  
鬢毛凋盡怯搔頭  
閒齋小簟茶烟歇  
滿地江湖夢裏遊

雨後得趙叔溫惠詩次韻以答



荒園閭閻亂蛙聲樹頂風來霽色明  
反鎖衡門無客到獨憑烏几看雲生  
詞場背距才名盛學舍是蓬  
鹽官味清羸馬蹋泥如見訪不妨相對賦新晴

次韻酬趙叔溫

茶甌羸得睡魔降白恰風輕坐北窓  
長孺豈堪留禁閨季鷹真欲老吳江  
虛名漫有詩千首薄俸難  
供酒一缸歛却殘棋客散後閑看乳燕入簷雙



谿谷先生集卷之三十一

七言律詩二百三十三首

暇日乘興同時翁訪天章天章為設醴適有  
乞詩僧至共和卷中韻留連到曛黑而散天  
章有詩來遂和之

東城僻處叩荆籬跋馬還愁赴約遲留客樽空聊  
置醴對僧吟苦強題詩官身少暇難乘興勝事隨  
緣豈問期莫恨古人今不見天教吾輩得同時

再和

啾啾飢雀噪空籬午榻風輕睡起遲藥畧自怜居



士病華歲重得故人詩議堂集鳳身虛忝文苑雕  
龍子可期休沐過逢真樂事幸將迂拙託清時

三疊

居士幽居荻作籬客來敲戶出應遲偶然小集緣  
乘興贏得諸公各賦詩伏雨闌風少晴景官閑身  
健更前期詞場唱和朋簪盛穹壤難逢此一時

和白洲寄韻兼示畸翁

追歡空復憶前時萬事消磨一局棋清世早知官  
是累白頭唯有病相隨浮沉未免慙名義骯髒已  
來坐直辭江海故人還惜別每將佳句慰長思



謝白洲寄雙魚用前韻

春城珂馬往還時別後何人共對棋  
詩句漫憑愁觸撥交情獨有夢追隨  
白頭代斲真多愧青歲專場詎得辭  
珍重雙魚傳尺素應將古意寄相思

奉和畸翁

鏡中雙鬢頓衰遲文苑浮榮夢不思  
材朽詎堪新寵簡腹空無復舊書  
詩浮沈未免嘲多可駕緩由來動失宜  
獨有故人知我意棄榆共趁暮年期

復用前韻奉酬畸翁六首

五嶽尋真恨已遲側身天地幾含思  
青雲器業元



非分白首辛勤只為詩中散書來應告絕晏容官  
過豈相宜知音賴有畸翁在文酒丁寧歲暮期  
何妨農圃學樊遲恨不當年爛熟思雲閣早彫潘  
岳髻暮途空詠杜陵詩殘書總向慵時卷苦茗偏  
於睡後宜除却西街幽僻處出門騎馬與誰期  
節序相催苦不遲衆芳鷗鵲感幽思文章未奏三  
千牘風刺誰陳百一詩末路涼涼無籍在危踪落  
落失便宜何時報答君恩異乞得閒身果夙期  
玉燭元和何太遲空勞聖主劇焦思非無憂國  
忘家士未賦除兇雪恥詩今日登壇須上策古來



和虜出權宜司天但奏旄頭落早晚亡胡會有期  
閑時趁興肯教遲南麓名園佳可思清簟踈簾留  
勝客玉泉丹壑入新詩地連朝市無塵到巷絕輪  
蹄與懶宜休沐不妨重命駕老夫還欲問前期  
唐城消息寄來遲招恨停雲別後思紫禁常懸長  
孺戀青山應有謝家詩後生不厭聲名逼末契唯  
憐臭味宜谷口子真還憶否棋樽何日寫心期  
維曾與鄭學士弘溟李使君明漢用遲字韵  
唱酬各成十篇玄軒申相公方寢疾偶得覽  
焉欣然曰此後輩佳事也遂口占和韻居數



日而公遽騎箕此蓋絕筆也李使君得其遺  
稿悲咽不忍讀復次其韻屬和於舊所唱酬  
者噫公憐才愛士一念至到雖屬疾困勞意  
猶不衰至為和詩寄懷嗟乎今之世可復見  
此耶不勝存沒之感遂雪涕成章

浮世風燈苦不遲百身難贖萬人思憐才可見平  
生意絕筆猶傳辱和詩青簡文章應獨步黃扉籌  
畫更誰宜撫公一語銘心曲過墓何時踐舊期  
夜來大雪今冬始見喜成一律呈畸菴白洲  
入夜風鳴枯樹枝窮冬一雪亦堪奇寒侵老子獨



先覺睡熟小兒都不知

俗傳小兒不覺雪豐年之祥

滿地江山

花爛熳九天

言闕王參差梁園授簡非吾事欲

得諸公白戰詩

朝來雪益甚又成

戢翅寒鴉坐踏枝朝來雪勢更添奇裝成萬象一

何巧簌弄陰機誰得知玄帝羽儀方王張王龍鱗

甲正參差病夫對此生情性起向窓間題小詩

伏蒙右台相公月沙老先生貶屈威重辱和

拙詩手翰寄示下情不勝感激謹步原韵以

伸謝忱



誰採珊瑚海底枝相公文采闡珍奇陽春曲妙人  
難和鹿馬能專我得知絕代聲名元卓犖傳家句  
法略參差瑞霏亦藉調元手好入虞廷喜起詩

和畸翁

朝旭團團映冷烟漸看簷影轉階軌關心藥果何  
時已入手詩筒謾自傳萬化推遷隨念念殘生荏  
苒度年年銅龍分直真榮遇學士其如種種顛

次韻酬畸翁學士直廬見寄

返照銜窓霽色初銅龍學士寄雙魚詩成好屬同  
人和手倦時教侍史書白首何妨清禁直明時莫



戀碧山居經旬抱病淹朝謁一室凝塵獨晏如  
坐到更深小閣幽十年仍憶舊同稠踈燈翳翳迷  
殘夢促漏丁丁喚獨愁枉沐殊私慙薄技時語未  
議之良籌畸菴老子應知我短髮長心死即休  
未學興公賦遂初白頭文苑註虫魚名浮自是工  
招謫用拙元因過信書老去迂踈增野性病餘閑  
適似田居無人解問蒲團趣錦帳青綾恐不如  
曉雲籠月意幽幽雨後輕寒龍獎裊憂樂已經無  
限境閑忙各有一般愁百年癡點乖長策萬事乘  
除要熟籌為報同心須記取名途好向死前休



夜坐無憀用畸翁韻成四首多雜病裏呻吟  
語不足存也

少日詞場賦子虛凌雲意氣壓相如文章直欲垂  
青簡榮遇何曾羨赤車未死心腸那肯化殘年齒  
髮已全疎商量早辦抽身策寵辱相尋似建除  
侵淫六氣迭乘虛四大那能久晏如舊習空吟青  
玉案多生未就紫河車烹煎苓朮方差驗雕繪風  
烟興未踈晚節歸依唯實相空花滿眼頓消除  
交態紛紛過眼新白頭誰似舊情親詩多累句聊  
消日酒入枯腸別有春宦興已闌甘屏迹主恩纔



報便收身燈前顧影翻成笑瘦骨稜嶮一病人  
病裏偏驚白髮新茶鐺藥杵自相親殘宵鍾漏長  
如歲近臘風烟暖似春几枝獨依居士室衣冠仍  
現空官身而今只愛安心訣詩什頻繁亦惱人

雨中伏枕漫興用前韻

蕭蕭寒雨夜窓虛歲暮孤懷倍悄如天地自回雙  
扇磨光陰不駐兩輪車白頭未厭交情淡朱紱還  
妨野性疎生意獨憑湯劑力沉疴稍得一分除  
老夫詩句欠清新說出心情款款親憂樂榮枯多  
少境風花雪月一般春升沉各有古今體唐宋真



同前後身俗二雌黃何足道知音自屬兩三人

雨不止復用前韵

歲暮凝陰塞太虛雨聲三日問何如空簷亂滴時  
驚枕窮巷深沈欲沒車却恐二儀渾錯迕坐看雙  
鬢轉蕭疎何當化作梁園雪洒遍君王白玉除  
枕上吟詩興轉新齋居悄悄索誰親玄冬不斷簷  
間雨明日將回地底春鳴玉未堪陪賀列擁爐聊  
復得閑身糟床初壓門冬醞擬待晴光喚故人

次韻答畸翁

為護春蔬種短荆空簷日午聞禽聲眼中忽忽少



歡意身外悠悠皆強名向子已知損益昭文底  
處有虧成長慙諫職無裨補獨記陰晴作課程  
知君歸夢遶南荆長憶滄浪款乃聲誰遣行藏違  
宿計錯將文字占時名愁邊春物渾無賴病裡詩  
篇半不成道是恩榮翻自笑白頭裝束問嚴程

送安胎使李侍郎天章

燕襟弓韞早呈祥喜氣葱葱繞未央珠襦爭看壯  
髮秀玉函深護聖胎藏本支百世綿瓜盛宗社三  
靈奕葉昌華省侍郎還擁傳青春湖海閱風光  
託天章侍郎乞竹瀝薏苡兼示光山主人



龍鐘自是東南羨  
意欲曾傳本草圖  
炙取碧鮮傾玉液  
浸來嘉實晒明珠  
萬金良藥真無價  
九轉靈丹却不須  
功用最宜蘇肺氣  
煩君乞與故人無

比來形役殊甚邑  
邑無一日之歡  
白洲將有江上之遊  
以詩見誇不勝欣羨  
之懷次韻却

寄

詩牋濃墨字翻鴉  
妙語真堪配正葩  
老去此心都變化  
春歸何處覓韶華  
早知浮世身如夢  
難得仙翁棗似瓜  
却羨東屯無事客  
輕衫游騎踏江沙

送星山尹使君



通材穎脫絕凡曹浮世升沉繫所遭綠耳豈應長  
繫足青萍從此試吹毛幕中籌畫隨開府嶠外江  
山入夢刀知有昔年棠樹在遺民定憶舊旒旄  
每從畸客得新詩詞翰翩翩照等夷前輩緒餘猶  
可見後生頭角敢爭奇南州剖竹官閑日東閣尋  
梅興到時更有江山相映發郵筒寄與病夫知

贈別鄭措大君平從儼使西行

布衣華國世稱難之子文章錦作肝新入禮闈推  
破的旋隨詞伯贊登壇寧教俗子爭頭角不待諸  
公借羽翰到處風烟供嘯咏詩成贏得萬人看



送鄭子容郎中

關路迢迢草色齊春風駟騎涇江西郎官盡省持  
衡鑒從事詞場戒鼓鼙鉛槧十年聊得力樓臺幾  
處好留題懸知賓主逢迎地天上星文動壁奎

送鄭德餘學士

二鄭聯翩入幕才妙年詞翰更奇裁千金早辦屠  
龍技百韻真堪倚馬催旗鼓騷壇收勝策綺羅賓  
館接深盃送君不覺神飛動奈此雄心半已灰

送都司迎慰李侍郎汝固

容齋巨筆擅宗工蘇鄭名家捲下風文采至今傳



後世才聲直欲壓諸公  
宮衙且假都司舊帷幄  
堪成上將功却喜同人  
皆臭味沿塗酒賦興何窮

送李道章學士

槎影西飛迓鳳綸  
紅蓮綠水幕中賓  
文章自是君家事  
儼相還須我輩人  
華蓋暫違清禁直  
程袍遠映淚江春  
誰怜老子長髯繫  
寂寂薇花對病身

元朝參賀班吟成

滿天星斗倍光明  
鍾漏丁東報五更  
綵仗影隨銀燭轉  
飀梭寒拂曙雲橫  
仙韶欲動爐烟上  
臚句初傳玉佩鳴  
衰髯自慙添潦到  
強陪鵷鷺賀升平



雪後感事

蓬萊雙闕雪邊高  
聖主臨朝玉色勞  
不見張騫求首  
蒼又聞回紇入蒲  
萄書生搯腕傷時  
事肉食無謀媿我  
曹千載弼雲留旺  
氣幾時西塞滌腥  
臊

題耆老諸公南池賞蓮會圖

在會十一公自七十一歲至八十一歲惟青平  
沈公少七十者二歲用狄蕪暮故事與焉今年  
六月五日積雨乍晴諸公聯鑣並輿來會于崇  
禮門外洪僉樞第共賞官池荷花坐間序年不  
序官鶴髮童顏飛觴舉白觀者稱艷若神仙然



既而諸公命工摹以粉繪列錄名位年紀屬維  
識之維竊念壽貴皆殊福也鮮能兼備今觀錄  
中諸公既極眉壽之尊而高者銘彝鼎主詞盟  
下亦不減省署星郎何其盛也殆是 聖朝龐  
鴻之化仁壽之應而諸公其亦各得造物之所  
偏厚者乎茲會雖少不可以無傳也敬綴以小

詩

白鬚紅頰共聯翩十一人成八百年洛社幾拚河  
朔飲官池自有曲江蓮香風入座龍涎暖酒傾  
筒象鼻偏鶴背颿輪大寥廓不如長作地行仙



送林實之赴官淳昌

昔年行役遍湖中，脩一清川處處同。  
最是名區亦城勝，况聞淳俗訟庭空。  
明時帶印寧非達，妙手操刀本自工。  
百里鄉關官路穩，安輿迎奉趁春風。

李承古尚輔頃日蒙特賜黃柑使遺二親  
感激有詩遂屬諸公和之不揆陋拙率爾步  
韻

銀臺清切接彤墀，咫尺偏承雨露垂。  
學士傳柑元故事，老親沾渥自殊私。  
斑衣愛日榮光動，朱實經春色味奇。  
認是陸郎懷裡物，百年銘感寸心知。



和氣薰蒸自兩宮  
八方無處不春融  
分珍感切葵  
傾日錫類人深草  
偃風海舶題封來  
政遠霜林爛  
燭摘應空詞臣荷  
寵如君少盛事端  
宜播大東

送鷄林尹權靜吾年伯

蓬海歸來兩鬢霜  
一麾南去意何長  
名都自是徐  
耶伐雅望其如習  
戾岡靈跡舊傳舒  
發墓儒風尚  
記晦齋鄉仍思菜  
杞饒秋實莫惜封  
題寄遠將

送沈德用赴原州

青雲德用封歸  
酒泉在原州

青雲勲業在凌烟  
恨不移封向酒泉  
遲暮寸心懸  
禁闥春風五馬領  
山川諸公衮衮誰  
為地往事悠



卷之三十一  
十一  
悠莫問天想到驪江逢澤叟應開青眼贈新篇

送別謝恩使朴公朝京

丹詔新從北極來三韓使者向蓬萊  
燕都宮闕九天迥滄海波濤萬里開  
東表詎能忘帝力外家元自盛人材  
星槎默笑旋歸日鄉國鶯花次第催

送李學士汝復出守鍾城

鍾城擇守竟歸君貂玉恩光迥出羣  
聖主深知畢學士匈奴應避李將軍  
三通畫角吹關雪十隊紅旗拂陣雲  
但使邊民長按堵不須鳴劍辨奇勲

送鄭子容

宣慰日本使玄方



飲冰行色一何忙飛傳今朝發漢陽才望却妨身  
息偃旅情無那鬢蒼浪桑門也自稱龍象卉服還  
應識鳳凰獨有城西文酒社春風何日不回腸

寄畸翁

宣慰日下使  
方在東

別後無端節序移知石今已到天涯棋枰久閣空  
勞夢驛使頻來不見西倚檻獨收滄海色搖毫時  
和碧雲詞淹留恐值興梅雨贏得騷翁兩鬢絲

送崔孺長出宰山

君侯標望動鵷班起直金鑾墨未乾鳬影忽分仙  
令烏鵲頭暫卸侍臣冠板輿安穩專城養綵服光



輝滿路觀欲向高堂供笑樂平反先得萬民歡

送高學士君涉出宰高興

好是含香起草安風塵作吏豈稱宜城依苦竹黃  
茅裏路盡蠻溪瘴海涯學士貶官君最遠親朋惜  
別我偏衰丁寧更有臨分語日飲無何莫學絲

送許沃余出守高城

朱監朱墨苦埋頭休沐何曾得散愁忽趁秋風向  
楓嶽好尋三日到仙洲永嘉山水延康樂八詠樓  
臺待隱佚餘事不妨治郡課吏肥民瘦豈須憂

送尹侍郎煌出尹完山



明時誰道敢言難聖主深知一十丹已入銀臺承  
御氣仍聞碧落是仙官要章若若光湖甸都會繁  
繁控馬韓共惜中郎遠禁閨春明冠蓋各悽酸

太醫金君以詩乞取殘菊充釀法酒次韵以  
答

東籬叢菊飽繁霜尚愛衰姿媚小堂笑我只知供  
病目憐君却欲沃詩腸舊聞屈子騷中語別有仙  
翁時後方待到醖醅分少許還教燥吻吸濃香

崔大容學士自維揚召入玉署用表裡賜帛  
沽酒送銀臺諸公有詩僕亦和成



吏能經術兩稱俱寵擢恩褒次第紆朝著共看收  
一鶚江湖誰復擬雙鳬仙曹豈乏壚頭債勝事聊  
成省裏娛獨恨春風長燥吻杏花開後可重沾

和畸翁

四十男兒豈少年菁華凋謝只堪憐絕無貴客乘  
軒過時有鄰童問字旋病罷朝參差自適愁聽曉  
漏獨無眠知君情況渾相似欲和新詩一悵然  
棄落無端感長年暮途心事有誰憐巡籬嗅菊行  
常遍就架抽書坐屢旋白首官閑真有味烏皮日  
暖只堪眠定知詩債償難盡每接傳筒為暢然



玄軒申相公挽詩

維嶽生申早應期亦知名德協周詩十年多難傷  
麟出千仞高翔見鳳儀白首無心身寵厚黃扉獨  
佩國安危鈞天一夕收精爽廊廟淒涼聖主悲  
再入巖廊邁百罹寸心憂國鬢成絲台階定為張  
華圻箕尾仍聞傳說騎空有文章留琬琰可憐朝  
野失蒼龜羊曇不獨思知己千古同悲殄瘁詩

送尹仲素巡察湖西

左輔名州舊使君政清如水萬人聞朱轡行看司  
農入玉節新從小府分百濟山河全管領兩湖凋



察倍憂勤漢庭良吏推張敞大抵論治重惠文

早秋與子容天章大容諸友泛江舟中作

偶因休沐得閑遊來泛西湖七月舟浮世只應長  
漫浪百年難得此風流空江月照魚龍冷極浦潮  
迴鴈鵝秋蓬底不妨相枕藉夜深風露詩滄洲

初貶錦城和畸翁韻

流年荏苒抵高秋風雨淒然動別愁浮世是非長  
擾攘暮途行止任悠悠功名正自妨人樂語嘿誰  
能為我謀萬古湖南清絕地主恩聊許作遨頭

和白洲韻留贈



恠來詩語捻酸寒楚調真同大小山直道只知名  
義重中年自覺別離難文章漫作多生累簿領應  
無一日閑世事悠悠那可道客長空復惜芳蘭

答汝固

南遷未放下隴船咫尺爐香阻御筵屈子江潭工  
作賦蘓翁嶺海益耽禪離魂暗逐秋雲遠客路行  
看錦樹鮮劉羨故人歸便得稻香魚美趁霜前

次韻寄謝澤堂

短髮南冠恨有餘江湖隨處伴蝦魚天涯滄切觚  
稜戀別後誰傳尺素書萬事糾紛身見在百年膠



疎意何如深情付與新詩去不向兒曹取次攄

用韻奉呈畸翁足下

世事紛紛過眼非人生歡會幾多時逢場且盡團  
圓樂撫迹應成老大悲高館竹風吹短髮曉窓梅  
雨入新詩樽中自有如澠酒判得平原十日期

畸翁將去有詩留贈次韻以別

天涯淪落各風烟此地相逢即別筵中歲悲歡難  
自遣半生枯菀較誰賢浮名從古真成累絕藝何  
人更解憐瑞石幽期須趁取莫教離索度流年

罷官後用畸翁韻却寄



聯鑣空復憶前時尺素慙勤慰所思笑我行藏太  
無賴看君詩語一何悲簡書可畏寧辭譴酒賦閑  
情却問期北去南來仍間濶京華幾日會親知  
結髮論交二紀餘兩心如水淡仍虛唯嫌許靖聲  
名謬不恨虞翻骨體疎梅閣乍乖同嘯詠瓜田終  
擬伴耰鉏窮鱗縱壑籠禽脫何似張生解綬初

時庵子有戲簡二律次韻以荅

浮世功勞在啄吞獻酬從古重饕餮官厨故自饒  
風味客次誰能慰渴煩詞翰不妨傳好事機鋒剩  
喜接微言他時倘踐平原約一石教君顙眼昏



豐腴元不為君謀聞說新居特地幽  
爵罷屠門休染指歌殘傳舍謾彈絃  
庾郎食淡朝三韭樓護分珍詭五侯  
經歲官庖增厲爽滿前腥腐欲全休

山人雄什自頭流來訪以逍遙訣一秩見贈  
兼有詩次韻以謝

聞說山人結夏處白雲長閉一茅庵  
湯休秀句名天下契順深情訪海南  
已把瓊編傳衆侶獨携筇杖度千巖  
頭流自古多龍象解印何時共爾參

路傍叢祠

驛程西畔有叢祠多少行人競祝釐  
壘石成山搃



無用掛牋滿樹欲何為  
途間誰是長年者  
天下事無如意時  
神若有知應笑我一春  
歧路鬢添絲

送鄭侍郎紫元進慰皇朝

中原消息杳難憑  
聞說黃圖似白登  
縱有胡塵屯左輔  
不妨佳氣擁諸陵  
三韓使者空銜命  
一介孤臣欲撫膺  
君去繫舟東海上  
魯連遺迹可能徵

酬羅夢賚見寄

危塗側足久迷方  
一落天涯兩杳茫  
為問碧城分玉玦  
何如錦里佩銅章  
從教老栢經嚴雪  
政似衰葵向太陽  
須信古人能處困  
白頭黃卷味偏長



天路迢迢阻且脩幾迴中夜倚危樓世間聚散空  
三嘆別後炎涼已一周道是朱弦嫵太急悔將明  
月暗相投長沙卑濕休開念聖主應收第一流

次韻贈趙生重呂

硯北翻憐有此身危樓佇望杳重宸殊方乍接青  
眸舊末路寧論白首新草木變衰傷楚客江湖空  
濶困波臣看君詩律能清健他日相期我輩人

送金晦而出牧洪州

坎止流行總偶然關山湖海任隨緣清朝簪玉知  
新寵劇郡分符異左遷卧閣定饒栽錦暇循陔還



有采蘭篇祇應中歲傷離合悵悵城西送別筵

次韻寄謝東嶽

窮巷無人問索居夢魂空復逐征旗  
黃金似寄詩中興尺素仍傳別後書  
榆塞莫論曾佩玦鐵關唯願早回車  
烟塵此日迷西北慙媿殘生鬢髮疎

寄金助婚費  
故三句云

次疇翁書懷韻

相憶真成咫尺遙日高齋閣坐寥寥  
羸軀入夏渾無健短髮飄霜半已凋  
林翠近侵書帙潤岳雲閑共篆烟消  
何緣脫却風波地歲暮丘園伴老樵



次韻題羅同年海鳳溪亭

溪上青山間幾層溪邊小築竹為棚已憐長夏涼  
陰滿不待清秋爽氣澄高枕自無塵事到閉門非  
為俗徒憎知君樂在簞瓢外黃卷開時正得朋

送春日和梁廣文見贈

天涯自覺鬢凋零欲賦歸來久未成玄晏一生長  
卧病廣文三絕早聞聲青春可惜堂堂去好鳥多  
情款款鳴京洛故人霄漢上絕無書札到江城

夜坐用樂齋韻

微燈悄悄照寒房顛倒殘書閣一床清世優游容



懶拙白頭鋒距任摧傷衰年擬養丹田火默坐空  
叅鼻觀香聞說故人同此趣秦樓今作寂寥鄉

次樂齋韻追記陵下舊會

客裡朋言盛一時高談雅譔席頻移才情衮衮還  
吾輩化理茫茫問阿誰銀海坐看塵劫變蒼梧不  
耐古今悲歸未便覺成陳迹謾把詩箋獨撚髭

座上論詩談  
命故領照大

送淮陽洪使君璽

蓬萊飄寓海東勝一萬二千天外峯仙跡舊聞留  
洞府吏情聊復寄雲松揚州騎鶴人皆羨公滿尋



丹我欲從長孺十年叨禁闥鬢邊其柰雪髭髥

送吳汝完自富平移守延安

桂陽治績冠邦畿鷹擊紛紛見鳳儀  
新禽忽聞移劇郡舊民應為泣生祠  
千家棄柝兵前物十里荷花郭外池  
形勝海西從古重請君時讀李公碑

和人韻

谷底崇蘭隱紫茸原頭短草蔭長松  
埋時恠氣衝星象撞處鴻音散古鍾  
為愛高標延孺子何煩客禮責元龍  
看君不是池中物異日飛騰倘再逢

次韻酬金大



同心不復待良媒一別空驚歲律催  
夢罷幾看探上月書來不寄嶺頭梅  
池邊已負山公醉物外應無水鳥猜  
湖海故人如問我擁爐禪榻撥寒灰

哭青雲君沈德用

襟韻恢疎絕點瑕高門世德最脩姱  
勲名自致丹青地肺腑寧同許史家  
縱得百年猶是幻可憐靈鬢未成華  
同庚更託同盟義生死交情淚腳斜

送奏請使豐寧君洪公赴京師

曾分八座綰州符專對掄六重使乎  
禮樂宜從天子出玄黃遙向帝庭輸  
楂菱牛斗三星象弩射鯨



魚隕月珠早晚東歸擎紫誥君王日夕望清都

祗役 穆陵用車五山韻

喬山松栢五雲深石馬無聲蔓草侵苔滿玉階春  
不掃簾垂秘殿晝常陰四巒繚繞盤金粟象設森  
嚴擁羽杯正是沾濡雨露日小臣將事敢忘欽

次韻奉酬長洲使君見寄兼謝新樣霍扇

素書遙慰寸心懸  
怊悵停雲杳楚天  
末路論交容我輩  
高衢騁力記當年  
新詩寄興真難和  
寶篋逢秋也可憐  
慙媿不家假借一  
生無事在八前

挽成叔



五十麻衣任陸沈，高懷不受俗紛侵。  
西江波浪無晨暮，浮世風燈便古今。  
一疾早知緣痛飲，九原應有舊知音。  
先人中表凋零盡，往迹尋思淚滿襟。

和畸翁韻

無邊春物入詩腸，却念風入戒太康。  
燕掠遊絲輕惹地，蜂偷落蕊細如芒。  
得閑癡卧身差適，倚醉狂吟韻更長。  
休道谿翁偏寂寞，酒箴元出草玄揚。

次韻寄東岳

別後愁腸日幾回，閑園延行踏蒼苔。  
春風已綠王孫草，湖海誰傳驛使梅。  
笑我齋居清似水，知君官



興冷如灰艱危敢道抽身計細笑行藏漫一吟

送豐寧洪公出尹完山

傾城軒蓋送征麾麟閣元勲出牧時湖海中間大  
都會沛豐鄉里國根基功名政自須行樂別恨無  
端入贈詩堪笑錦城前歲客北歸贏得髩邊絲

哭沙溪先生

塵垢何曾到肺腸德容和粹藹春陽師傳既正功  
仍篤完養彌深道自彰逝者忽驚隨大化歸然誰  
復擬靈光斯文一脉還如綫哭向南雲淚萬行  
玄亭寂寂一侯芭十載門牆荷寵嘉道大自能容



散誕性偏終未鏟浮華山頽不盡斯文慟離吳應  
無大耋嗟論禮數章蒙印可辦香寧負此生涯

挽趙善述

早擅詞林錦繡腸暮途牢落困行藏窮來俗眼從  
他白病後吟髭半已蒼官罷宣城間謝朓畫成梁  
嶽老鄒陽浮生一夕風燈盡哀挽西郊咽曉霜

次韻寄畸翁

沉病無那漸纏嬰獨有靈臺一點清夢裡親朋長  
在念天涯書信幾含情新詩落筆誰堪和官酒盈  
樽只細傾兩地相思無限意鬢絲贏得十分明



和長洲尹公見贈

霜沾秋鬢半凋玄  
睡破空齋午景懸  
遮眼謾憑經  
卷在寄聲欣得素  
書傳浮名擬撥形骸外  
故意堪  
輸語笑前湖嶺詩牋留篋笥  
向來枯苑較誰賢

又題鎮西樓

邊城戰骨尚如山  
竊目荆榛鴨薩間  
不有廟謨收  
借箸敢論天運本  
循環元戎已屬無  
霍士絕險新  
成第一関遙想戍樓吹暮角  
朱旗閃影月中閑

席上次仲淵韻送金直長深源罷官還鄉

窮途莫問是和  
非好脫青衿得得歸  
蘿逕少人添



鳥迹草堂經雨長  
鼃衣山童掃榻迎  
門巷野老携  
塵候石磯却想還家饒喜色  
孺人忙下織殘機

送朴仲漣出宰興陽

省郎為縣豈榮遷  
怪爾茲行喜欲顛  
親舍遠仍違  
絲服孺人貧或折花鈿  
官程近接趨庭路  
海邑無  
饒種秫田浮世升沉何足道  
較量身計此差便  
往歲南歸滯楚山  
逢君忽覺客愁寬  
燈前拈筆詩  
先就醉後聯床夜已闌  
再入長安真夢寐  
一年郎  
署足辛酸不妨去  
作天涯吏  
梅摘香邊海色寒

贈別尹君玉出守南陽



墨綬初分斗大州  
隆中却愛舊名留  
詞臣撻自銀臺出  
吏隱翻同玉局遊  
別夢長尋紅藥院  
詩情應在白蘋洲  
公車尺疏吾差後  
路鬼揶揄轉自愁

挽李司禦揚休

年事參差十載餘  
巷南巷北卜鄰居  
官忙會面那能數  
情熟論文本不踈  
鬼惡天高人舍促  
男婚女嫁世緣虛  
傷心舊宅門長掩  
珂馬紛紛過里閭

送徐郎中秀夫赴北帥幕

共惜郎潛久未遷  
韜鈴誰遣逐戎旃  
關山送別三千里  
湖海論文二十年  
客路遠窮長白外  
行營直



塵大荒邊蘭陔悵望思親處天際飛雲正渺然

次水原客館韻和畸翁湖行錄

節制畿南都護營轅門畫戟倚秋晴繡衣擁傳他  
年過綵服乘軒愛弟迎燕寢疑香無箇事鈴齋緩  
帶有餘清舊遊今日成追憶欲和新詩意不平

次南樓壁上韻

人生到處撚前緣壯歲竒遊慕史遷間把樓頭軟  
脚酒更看池上醒心泉客懷黯黯思鄉縣歸夢時  
時拱御筵贏得記行詩滿卷不教容易向人傳

次寄洪陽金使君韻



一佩銅章別瑣闥問君成政幾時歸  
綈袍戀故情何限綵服承歡願不違  
老馬尚存千里志孤鴻長作斷行飛  
翻思劇郡逢荒歲應向黃堂輟玉徽

次新昌客館駱峯諸公韻

駱峯宗匠百年前讀罷留題倍惘然  
更有諸公相屬和因知一代盛才賢  
騷壇綵筆光青竹古壁紗籠起碧烟  
卽爲畸翁分物色應將傑句共流傳

送沈遂之出按湖南

封留分陝揔稱宜麟閣堂堂畫裡姿  
百濟山河迎節鉞重湖形勝擁旌帷  
漢南尚有餘威在嶺外應



思浪迹時閑塞即今憂不淺寄君方面繫安危

詠石本天文圖次舍弟顯國韻二首

管裡窺天自覺難圖成一片妙堪看三垣布似棋  
全局二極分如軸兩端躔度坐知千歲至雕鏤剩  
喜百年完聖朝制作存深意虞帝璿機共不刊  
風霆歷覽謾稱難法象都輸片幅看星似散沙渾  
可數天如旋磨孰尋端圖中盡發玄機妙亂後猶  
存舊物完玉燭調元期聖代書雲秘器永無刊

送金侍郎著國航海朝天

雙金高價世同傾難弟還稱百鍊精三賀禮殷無



進奉八函文秘獨賫擎牙檣影拂蓬萊閣絳節身  
朝白玉京偏壤幾人成甕酌此行真足慰生平

次韻寄東岳詞丈

危樓回首憶秦城此日知君百感生紫塞山河新  
賜履青冥鈇鉞獨開營胸中隱隱藏千甲筆下森  
森列五兵昭悵長安舊時伴白頭何地重相迎  
遲暮相期各勉旃孱軀擔重欲頽肩烟塵謾自傷  
時事風物居然感歲年敢向騷壇爭執耳情知短  
袖忙當筵浮名小技終何用好着君王玉馬鞭

好著一作牛著



次韻酬錦洲

身外紛紛要底名從來六博在投瓊  
須憐我病同君病每憶龍城訪錦城  
晚歲漫遊容此老明時馳驚近群英  
雪邊暗透春消息簷烏嚶鳴恣好聲

用諸公韻送朴子建之任木川

逢君每覺故情新衙罷相尋趁酉申  
拙宦藏名聊玩世寒齋分直或連旬  
銅符又作卑陬吏藻鏡誰知磊落人  
勝似僑居愁桂玉官厨杞菊不全貧  
三百枯棋局局新每愁簷日易斜申  
論交各已當衰境拚會情知有幾旬  
歲暮窮鄉無好客雪深官



道少行人看君會展追風足薄宦何妨且為貧

送朴子建換任載寧

先容不必待良媒自是知音有上台下邑桺桺符  
已換中朝籍籍轂爭推魚勞未展登門志驥病終  
非伏櫪材御衆牧民能事在漢家循吏入雲臺

小弟當年擁節旄新城睥睨入雲高訐謨每恨拋  
形勝重地終須屬俊髦眼底已無戎馬氣胸中自  
有虎龍韜男兒要得功名會利器由來在所操

山城在郡地為海西形勝之最

別東岳後為寄



離亭解袂各魂銷  
開路迢迢夢裡遙  
冰雪一冬曾攬轡  
火雲三伏又乘輶  
仙槎入海隨烟霧  
使節當秋上沅寥  
已辦壯遊酬壯志  
歸來聲望動清朝

贈程副總

文武全才簡帝衷  
應從絕域辦奇功  
張騫正候隨揔月  
宗慤初乘破浪風  
喜氣已騰滄海戍  
威聲旋壓黑山戎  
三韓髻白迎金節  
願採民謠達聖聰

權判書盼挽詩

八座名卿世所欽  
晚生還許後交深  
外沉不盡匡時略  
夷險唯存報主心  
今歲達官憂木稼  
昔年遺



愛在崇陰蘇山西望新阡遠薤露聲中淚洒襟

徐三宰攄挽詩

領取人間五福全白鬚紅頰似神仙飛騰早識英  
聲遠磨涅方知晚節堅九老衣冠光洛社三朝德  
望近台躔居然一夕成千古華屋山丘涕自漣

送韓元之泛海朝天

昔年符竹向愁城悵悵青門送別情長憶白山勞  
遠夢豈知滄海有嚴程身兼數寇銜王命天遣孤  
楂趁月行關塞無虞風訊穩壯遊仍得快生平

將傳主文研吟成一律粗脩文苑故事



空門衣鉢有宗風  
秘苑相傳事頗同  
妙手各拈銀  
不律文心聊託石  
虛中齊盟再主慙  
前輩巧匠旁  
觀笑拙工  
從此騷壇倍精彩  
朔方旗鼓得元戎

舍弟開西方伯於迦殊窟中得一異石大僅  
盈尺而峯巒洞壑天然自成千態萬貌極其  
奇巧中有一龕龕內有一石若佛像背立者  
尤可異也舍弟自記其狀因成一律要余和  
遂為賦之

山精成石石成山  
萬壑千巖在此間  
輸盡化工無限意  
弄來纖巧幾多般  
藏時長共龍蛇蟄  
取出空



教鬼物慳靈壁太湖誰得似米顛當日只窺斑  
拳石真成太華山劈分靈掌落人間袖中東海今  
何在芥裡須彌却一般窈窕半龕藏佛寶洪荒千  
劫發天慳華堂盡日供清玩惹得嵐光滿目斑

喜見開西書信無得詩什用卷末夜坐韻寄

舍弟方伯

一別經年百恨生喜聞晨鵲近簷鳴八回開塞秋  
將盡盡報平安眼為明已把勲名酬壯志更憐詩  
律有新聲對床尋約知何日天際愁看鴈陣橫

奉詠馮副揔竹石



橫海將軍華有桺漢庭家世小馮君蓬窓寫出琅  
玕影苔石移來磬確文爽氣忽隨蓬島雨精靈欲  
化葛陂雲情知旅館饒揮灑醉墨何妨為見分

送李學士汝省出牧清川

臺省紛紛乞一麾幾人能復協心期分憂縱出諸  
兄後得意無如此數奇燕寢不愁離夢遠菜衣惟  
恨侍歡遲懸知聖主思風采諫席應虛獻納司

送洪侍郎李通泛海朝天

秋部敲撈滿眼愁聊將一節快觀周行叅萬國衣  
冠會不羨群仙汗漫遊震闕佇瞻黃道日孤楂獨



泛白雲秋燕臺旅宿饒鄉夢還憶漳濱病叟不

敬次

宣廟御製韻贈戴恩堂主人郭令公

出世間人處世間向來天步屬多艱餘生辦得閑  
如許萬事回看夢一般賜服不妨誇父老宸章長  
為責江山戴恩堂上三更卧猶記先朝趨謝班  
奎章那復落入間隼字千金得也艱兩首崇褒真  
莫比一時優渥却多般新堂結構饒篇詠華額輝  
煌映海山男子行藏如子少直教青史載班班

又用諸公韻寄題戴恩堂

跡太奇來似古人行藏隨順總前因誰知江海忘



機客曾是風塵報主身透屋濃香松醞熟遍畦疎  
雨藥苗新殘年飲啄皆恩渥日夕爐香祝紫宸  
未老身如倦鳥還紅塵透破幾重關餘生放迹寬  
閑地萬死驚心矢石間天借烟霞供病眼地饒芝  
朮駐衰顏欲知滿壁珠璣富夜夜精光燭海山

次韻荅羅同年應瑞

一札初從嶺外來昏眸今日為君開高才肯受微  
官縛傲骨真嫌薄俗猜詩瘦定應同海鶴儒酸元  
不厭江梅自憐老子淹衰疾早信青黃是木災  
早識淮南有小山溪邊舊築屋三間商歌韻夢勝



金石楚調詩成響玦環草帶媚人春自長荆扉無  
客畫常開何時更下陳蕃榻別後相思苦未閑

愚伏鄭尚書挽

高文邃學早飛英歛退丘園士望傾晚際中興紆  
寵渥幾從前席講誠明忽聞長夜收精爽共惜清  
朝失老成聯武向來蒙獎進一哀題輓淚縱橫

延平府院君挽

文成函丈早歸依大節堂堂自布衣勲業出關身  
際會宗枋再見日光輝胸襟本不留恩怨忠藎人  
誰識是非最是九重傷悼處竟垂黃髮入黃扉



延陵府院君挽

先朝儲養總名臣台斗高標近紫宸已把文章光  
黼黻更留勲業照麒麟時清共羨耆英會離異俄  
嗟大耋身同榜早知先契重白頭唯有淚沾巾

延平府院君改葬挽

公駢箕尾返星躔一閉佳城已隔年聖主故應悲  
入夢都人空復望凌烟牛眠忽報營新兆馬鬣行  
看啓舊阡鷄酒自傷乖祖送白頭唯有淚霑懸

李同知春元挽

詞場聲價跨烟虹前輩論才輒數公半世榮枯知



宦拙十年沉痼遂途窮浮生遽見風燈盡往跡渾  
驚露電空卧病獨垂蒿里錢而行衰涕寄西風

李同知惟侃挽

高年厚福獨能全萬石家風孝謹傳中歲交遊總  
霄漢暮途優逸即神仙官躋二品銜恩重子擬霍  
珠幹蠱賢棄化歸真更無憾岳陰秋柏蔚蒼烟

次杜陵秋興八首韻

一夜霜風撼石林千山落木影森森  
寒籟雲過荒臺作晚陰身老更堪多難日路窮翻  
切未歸心南翁九月猶絺綌腸斷鄰家擣練砧



殘年為客淚橫斜短褐蕭蕭鬢有華滿地江湖長  
泛梗幾時河漢可乘楂巡遊已遍周王轍喪亂多  
傳蔡女笳杜曲終南消息斷三巴再見綻霜花  
獨倚江樓送夕暉風塵滿目此身微他鄉有淚猿  
相叫故國無書鴈自飛垂老轉怜孤影遠腐儒堪  
笑壯心違三年消渴空皮骨未信平生道義肥  
紛紛世事一枰棋翻覆無端只可悲東洛西京佳  
麗地開元天寶太平時書生旅食謀身拙將帥登  
壇奏捷遲絕塞年光驚晚晚掩門高卧獨長思  
巴東三峽萬重山禹鑿江流向此間赤甲斜臨雄



蜀鎮黃牛東下接荆關風塵漫抱書生感懔慄偏  
凋壯士顏青瑱紫宸長入夢白頭何日廁鵷班  
兵塵漠漠暗邊頭劍外漂零度幾秋雲閣早凋潘  
岳鬢暮途還賦子山愁身慙華表歸來鶴夢逐滄  
江浩蕩鷗衰疾只今增潦倒更堪珂馬入皇州  
破虜誰如郭李功只今天子在秦中山東自爾無  
寧歲隴右猶聞不競風短髮逢秋那禁白衰顏帶  
疾轉凋紅兩京舊業今應盡空羨尸鄉土室翁  
長安形勝想逶迤第五橋連皇子陂曾入瑱闈拈  
絳筆更從朱邱接瓊枝嶠函一自風塵暗巴蜀頻



驚歲月移為客政逢搖落日白頭唯有淚雙垂

次韻呈東岳

軒蓋逢迎託盛辰相看意氣出風塵  
黃沙莫說當年事白首終期我輩人  
別後乍傳詩句穩樽前長憶性情真  
待君官滿東歸日酒賦交懽不厭頻

附元韻發京城還江都道中寄謝谿谷張  
判書持國携酒出餞兼示畸庵鄭舍人弘  
溟子容白洲李參議明漢天章雙溪李承  
旨景奭尚輔再從姪澤堂植汝固

白首青雲夢隔辰濁泥誰料枉清塵  
雪中無挈



一壺酒海內共推千載人却怕醉言譏世偽須  
憐豪氣出天真憑傳鄭李促家姪別後詩筒唯  
作頻

東岳

次韻

四首新詩寄到辰讀來腦次淨無塵休言我馬殊  
君馬不恨今人後古人直取情性方是妙若論蒼  
色擬非真斯文一脉關元氣俯仰千秋咄咄頻  
迂踈無計答昌辰漫向東華踏軟塵栢府久慙叨  
要路芳樽空憶對閑人眼看世態年年別時吐胸



襟句句真牽率詎堪酬盛什苦吟終夕撚髭頻  
千載風雲際此辰十年京國染緇塵唯應寂寞寬  
閑地置我欽崎歷落人閱世早知名是幻觀身轉  
覺懶為真君詩說盡心中事讀向晴窓擊節頻  
三唐詩什盛茲辰大手如君景絕塵得意遠期千  
載上知音多作九原人客嘲尚白何煩解世有雌  
黃搃失真懶拙無心爭嘴距章成莫惜寄來頻

附元韻用前韻奉謝谿谷張判書辱和見

寄之作

聚散悠悠祗浹辰憶君何事肺生塵詞華後輩



唯三子儒雅當朝第一人  
寵餞暫蒙高駕枉辱  
酬徧許夙心真老夫垂死逢知己從此休嫌怨  
句頻

浮世團圓要及辰  
蓬萊水淺幾揚塵  
平生願識張都憲  
末路驚逢鄭舍人  
吏部少年偏俊逸  
揚州當代最清真  
別來江國愁誰語  
樽酒論文入夢頻

萬死投荒再起辰  
聖恩無路報涓塵  
魯連誰許為高士  
豫讓曾甘似衆人  
已辨齊竽吹是濫  
須知楚璧盜非真  
從今螻蟻全微命  
惹以何憂



詢更頻

獨夜江樓望北辰四年西塞再兵塵時危每愧  
身無事主辱誰言國有人下邑簿書徒自誤中  
原消息尚難真郅支未斬頭全白手握青萍擊  
柱頻

東岳

復用前韻奉酬東岳詞丈兼示畸庵子

辛未正月

未追和也

閣門昕夕起居辰班罷駢闐滿路塵對面不成拚  
小語吟詩聊復屬同人漢庭乍幸容張摯谷口誰



能重子真冷眼共君看薄俗覆翻雲雨一何頻  
雪月風花各占辰紛紛世故似山塵長為蹋鼓趨  
朝客却羨求田問舍人陶衛定輸千首富丹青難  
狀寸心真交情直付形骸外造請寧須命駕頻  
百六驚心記曩辰免將昭質浣泥塵風雲幸際休  
明代雨露偏霑潦倒人衰相漸看顏鬢改冲襟獨  
保性靈真霜臺忝竊誠非分愧殺飢烏見刺頻  
日日趨衙趁卯辰無因數拂客床塵知音幸已逢  
鍾子斲鼻唯須待郢人枕上功名身是夢棚頭傀儡  
偏幻疑真看來世事渾如許莫惜樽前酩酊頻



附疊用前韻奉柬畸庵舍人兼示谿谷大  
學士

辛卯之年月建辰龍山高館隔囂塵憶題芳草  
樽前句見許謫仙天上人物態如雲看幾變風  
流當日盡難真傷心四十春來事莫厭逢君置  
酒頻

禿翁何意際熙辰曾恐衰骸作塞塵驚驚竒姿  
四學士珊瑚異彩一宗人新交雪屋杯投分盛  
會雲霞句寫真歸到江城却回首 聖恩難報  
淚空頻



曾見長星字大辰幾遭妖鵬上承塵甘為韎韐  
新窮鬼愧殺滄浪舊散人大理本從三字強流  
言誰信一生真諸君此日瓊裾什直勝曹松哭  
李頻

海東蠻舶亂壬辰丁卯西關陷虜塵 太祖山  
河收舊物中興日月屬吾人詩功遠邁唐風變  
字法新傳晉帖真彩筆此時分氣象獨嗟斑鬢  
索居頻

人日遇雪用前韻奉呈

東岳



新元七日號佳辰忽有飛霏壓路塵頗訝陰晴渾  
失度更傳占候不宜人寒侵梅柳爭春晚客在江  
湖引興真斟酌旅窓愁絕處漁村酒熟問應頻  
春來多病負良辰千騎歸時未望塵杯酒更逢頌  
勝日草堂誰問斷腸人詩傳老筆才逾健醉對新  
交語益真惆悵舊歡空入夢角巾何地往還頻  
城西長憶把杯辰別後詩篇託後塵官罷正堪無  
事飲春回猶作未歸人文章要妙那輕說名字紛  
紜定孰真最是君家阿咸在社中酬唱不嫌頻

附楊花渡旅次奉酬谿谷張都憲人日遇



雪用前韻見問

暮年行路怯逢辰江柳先春颺鞠塵地白忽驚  
天落雪月正俱喜日臨人拾遺詩語吟何苦方  
翔占書驗或真憂國不堪兼病肺却教村酒請  
徒頻

夏正初七景靈辰滕六無端散玉塵敢道時如  
天寶日定知心似杜陵人憂深故枉篇章重別  
久方思面目真莫問江湖春與否陰晴亦自檢  
書頻

宿留荒江過令辰禁城軒冕闕音塵叩門忽枉



烏堂使傾蓋曾憐鶴髮人  
况復三章詩摠妙  
唯應一笑意逾真  
看君對雪還憂世  
勗力行舒國步頻

東岳

復疊前韻奉酬東岳詞丈

合璧聯珠此一辰  
清文高義絕纖塵  
聲華或後功名會  
箋註何妨磊落人  
萬古江河終不廢  
百年榮辱竟誰真  
公車簿責渾閑事  
大度寧嫌百適頻  
病怯春寒閉戶辰  
經旬客榻見凝塵  
名場乾沒秦無策  
詩壘高堅鄭有人  
身計揔輸閑處好  
世情那



似醉時真端居細美平生事掩却床書感慨頻  
氣弄新陽雪霽辰融泥全沒九衢塵春來物色還  
生態病裡詩篇亦惱人長史早蒙劉尹許步兵仍  
有仲容真清時懶漫容吾輩酒社詞場發興頻

附再用前韻奉柬谿谷大學士

尚書劒履上星辰鵬鷄秋天本離塵社稷早扶  
多難日謳謠重見太平人三朝官似安仁拙七  
郡清非景倩真暮齒忘年新托契不愁昭代去  
官頻

獨依渙舍坐窮辰鼠跡空床畫印塵去國三年



太歲日歸途十里異鄉人是非慣認名為累榮  
辱翻疑夢不真憲府此時都御史遠勞家隸寄  
詩頻

憶上鄒書繫獄仄劉冠誰料拂埃塵洪川縣裏  
三年客長白山前萬里人八座崇嶙重歷假六  
卿叅秩五叨真宦情已倦身嬰疾莫怪明時請  
告頻

東岳

王峯內子挽

明月珠胎出海鄉王峯聲價擅詞場傳家翰墨流  
風在婉德閨門內則光九表光陰渾夢境百年離



合一封堂新阡暗想清明近暮雨寒鴉墮草荒

皇華集次韻宴南別宮

高館初開秩秩筵仙標映座玉森然一時勝會看  
賓主三代遺音在管絃從古陽春真寔和只今華  
夏更多賢翻慙薄劣陪樽俎蟲鵠居然步武聯

泛漢江

江雲淡淡惹軒車磅礴岸輕風解纜初遠樹依微迎  
綵鷁暗波蕩漾躍文魚地連方丈神仙窟人憶瀟  
湘水區居怪殺新詩難和得雕鏤物色更無餘

南別宮宴別



地隔仙凡迥自賒陋邦竹韋駐星楂絲綸渙號恩  
無比搏俎交歡意有加飈馭迴轅天北極冥鴻留  
巡海東涯離筵唱斷驪駒曲卿月蒼茫影欲斜

蠡頭峯

千尋削立碧江濱拔地高標迥出群砥柱何年移  
矗矗顛顛波萬古閱法法詩仙一過留清賞醉墨初  
揮對落曛應有潛龍慶藻飾百靈泓下聚繽紛

頒詔禮成

寶曆千秋奕業傳湛恩汪濊本無邊祥開燕翼綿  
鴻祚詔下螭頭遍普天兆協明商瞻瑞旭澤隨膏



兩驗豐年金鑾學士如麟鳳海外蒼生願執鞭

次朱使韻

三殿綸音出建章九苞威鳳下朝陽遙瞻玉節催  
排仗未啓芝函已識香恩浹同文覃有截德懷殊  
俗罷于襄欲知鰈域安耕鑿到處風謠頌麥桑

登太平樓二首

不緣賓館有高樓那得神仙為少留興入蕭晨延  
客望詩傳絕唱使人愁山光晚向闌干滿霞色晴  
侵睥睨淳節序殊方驚御杖秋風應復到皇州  
客裡偏驚報素秋江山滿目獨登樓元龍本自饒



豪氣太史由來喜壯遊地隔中原空有夢天回北  
極迥添愁耽看落景憑闌遍遠壑蒼茫暝色幽

次卷首韻贈鰲山琴妓

秋香

九秋風露五更寒紅桂幽芳尚未殘乍對青樽開  
寶曆幾收珠淚展烏闌深情每託琴中鳳仙侶誰  
乘霧裡鸞流落偶成湓浦會白頭司馬醉相看

贈閔文伯高二首

以下續稿

千頃平郊十里灘聞君別業占寬閑園栽松菊分  
三徑屋葺蓬茅剩數間清世豈嫌供簿宦禁方元  
解駐衰顏殘生未撥形骸累囊裡青黏倘不慳



酒兼賢聖藥君臣康濟准能及一身笑我尚纏玄  
晏病憐君未脫子桑貧空齋日暖琴書靜小園春  
深杞菊新乘興不妨頻命駕白頭相對兩閑人

挽錦溪君二首

喬木名家有世臣黑頭勲業照麒麟升沉獨閱無  
窮事遲暮唯看見在身傍水亭臺新活計迎春詩  
句舊精神巫陽一夕招魂急縱入脩門未是真  
早聞先契託金蘭比舍仍蒙禮數寬共羨勲名休  
日月豈知人事似波瀾一年湖海新恩重滿地  
江山舊業寒彈指忽驚風燭盡不堪悲緒劇一端



和清陰遊清平錄

石室詩筒遠寄來春遊閱遍幾亭臺吟邊物色牢  
籠盡脚底烟霞領畧迴未到名山神獨往每懷仙  
跡興難裁殘生只擬師宗炳虛負當年謝客才

右臺字韻

洞府烟霞擁石樓閑人聊作采真遊山形恐是分  
靈鷲栢樹還如對趙州絕壑藤蘿偏引興上方鍾  
磬迫添愁千秋息老風流在却為清寒讓一頭

右樓字韻

挽李丈叔正



滿腔都是貯天真山野風姿席上珍文學考亭渾  
義理詩傳長慶更精神論才不負清朝望知己寧  
忘晚契親遺墨尚看留篋笥白頭題挽為沾巾

月沙李相公挽詩二首

祥麟威鳳世無倫玉立三朝老大臣燕許豈雄推  
述作富韓元自足經綸身經昏亂名逾盛宦到台  
階業益貧良史異時操直筆中興輔佐有完人  
存沒哀榮孰等差百年名實儘堪誇文章早已鳴  
天下婦孺猶知誦月沙綠野未成開別業青箱賸  
喜足傳家山丘華屋無窮恨捲入羊曇淚脚斜



挽金判書仲雍

操刀隨處恣恢恢八座居然近斗魁  
開塞風塵當敗局度支金穀見通才  
臯魚滅性天難問伯道無兒衆所哀  
浮世早知泡影裡寸心今日為君摧

題太僕契屏

欲知牝滿三千捻為操心在塞淵  
周典久慙叨同命魯訢空復誦駟篇  
官曹不淺同寮分契託猶存故事傳  
衰疾幾時拚勝會且將光景付龍眠

送李子時觀察關東

未應莊助厭承明却為金剛辦此行  
雙屐趁秋償



淨債一官成集稱才聲星輶路熟鳴沙閣王節光  
搖鑑水清寧是正陽香八試觀螭觸幾輸贏

青原君先夫人挽

恭聞八座太夫人絳帳徽音迫絕倫于氏門閭待  
賢子士行勲業賴慈親榮封稠疊銜恩重壽席輝  
煌舞綵頻忽謝世緣歸淨界堂萱非復舊時春

次韻寄羅稚端

皴面霜髭較略同浮沉四十九年中天涯每憶曾  
懸榻別後寧嫌數寄筒錦里湖山秋色遠鳳城宮  
闕霽雲紅知君自有排風質霄漢他時路逕通



讀大宛傳書事四首

黃沙西望近龍堆  
青海霜飛鼓角哀  
城郭不聞胡馬到  
蒲萄已入漢宮裁  
將軍自負封侯骨  
壯士仍多奉使才  
獨有鴛鴦樓上女  
紅顏夜夜夢輪臺  
河源終古隔天垠  
西極崑崙恐失真  
一自張騫開道路  
遂教荒服動烟塵  
玉關不許殘兵入  
葱嶺仍看戰骨新  
未必君王重汗血  
欲將侯印慰佳人  
漢家三十六離宮  
安石榴花處處紅  
宛馬遠來誇駟駿  
眩人初到闕神通  
烏孫解使匈奴窘  
大夏寧愁蜀道窮  
九譯威靈流海外  
茂陵松栢忽秋風



恃望乘槎事可疑但聞持節到天涯河源竟未窮  
星海要領何由得月氏黃鵠歌成愁貴主白龍堆  
遠困王師殘年終取封侯印刀筆前頭屢見危

讀封禪書四首

檢玉泥金上岱宗白雲晴晝擁青峰乘龍帝遠空  
聞語牽狗人亡只見蹤誰道神仙慳大藥已無風  
雨撼秦松河渠浸灌寧愁旱不許甘霖浥漢封  
上林樓觀絕氛埃秘殿沉陰晝不開空有神君降  
宛若更無方士到蓬萊馬肝毒發何須悔牛腹書  
呈已可猜東是竹宮燈燭夜玉顏真似夢中來



汾陰后土薦芬芳寶鼎龍文擁百祥泗水舊沉嗤  
呂政首山初鑄想軒皇他年不有輪臺詔此物應  
同亳社亡強進誇辭動人主壽王才調亦難忘  
升天拓地事難該五十年来意未灰司馬文成封  
禪起越巫方進達章開神呼嵩嶽誰聞得蛟出潯  
陽自射迴但信燕齊迂恠士不知方朔是仙才

乙亥除夕作

寒宵鍾漏催殘臘喜見人間五十春才盡更堪親  
翰墨病多猶自滯風塵形骸已支支離客栖息終  
須寂寞濱萬事浮雲都不管白頭甘作抱孫身



丙子元日丙子

五十之年忽已至從今休歎鬢邊絲長思文舉書  
中語細閱高生卷裡詩病阻朝參唯繫戀老憐春  
物欲含姿微醺却得屠蘇力卧看窓檣日影遲

挽崔漢

崔海州孫溺水死

冤血貞魂絕古今覆巢完卵認天心芳蘭正愛新  
芽茁明月俄驚碧海沉精衛無成留至恨空篴有  
引託哀音茫茫神理終難問薤露聲邊淚洒襟

送洪元老巡察關西

關塞何年鼓角休沙場暴骨未全收金縢藁虜存



深計玉節須材輟勝流  
八路藩垣無此重盛時才  
略更誰優澄清控制兼能事  
西顧應紆聖主憂

仁烈王后挽詞二首

陰教真成萬化基  
闕雎元自冠周詩  
三韓再睹爨  
倫正十亂兼聞內治宜  
至戒每存鳴佩玉  
私恩曾不到門楣  
中天一夕淪圓魄  
椒禁淒涼聖主悲  
配德龍潛共苦辛  
化家契命十三春  
欣瞻瑞日行黃道  
忽報中宵賈桂輪  
當宁幾思規諫切  
下陳皆慕渥恩均  
徽音百代齊任姒  
典冊輝煌琬琰新

感時書事



飽肉天驕氣轉豪  
羶裘欲換拓黃袍  
和我已覺便宜失  
蹈海空憐志節高  
十萬橫行誰得辦  
六千為役亦云勞  
何緣挽取天河水  
一洗全遼羯狗臊

賦得花時甘緼袍

柳暗花明九陌頭  
暖風遲日正悠悠  
陽和久已蘇群蟄  
瘦骨猶然戀弊裘  
舍瑟謾懷沂水興  
與衣難辦曲江遊  
晴窓捫虱無餘事  
時喚茶甌沃渴喉

送錦城吳使君竣之任

都會熙熙控一方  
憶曾恩譴佩銅章  
入城華館天中起  
過嶺寒梅雪裡香  
笑我十年猶夢想  
看君五



馬轉輝光桐鄉父老如相問舊日遨頭髻滿霜

金正郎輓挽詩

少挹高標老不忘炎州佩玦幸連壇都將冰蘖供  
身世肯許羶腴染肺腸一別風塵成契闊五年人  
事間存亡書函往復渾如夢西涕南雲寄此章

西平府院君改葬挽

詩禮家風將相才清朝德望近三台自從箕尾歸  
星象空有衣冠掩夜臺拱木忽看丘壠改佳城重  
傍海山開茫茫人世無窮恨回首長陵夕照頽

次韻寄訛羅同年應瑞二首



殘年學道轉無成但得悶身處不以落落襟懷誰  
共語紛紛紫距任先鳴關山難越饒離夢書札頗  
來慰遠情南國詞人如子少五言寧獨是長城  
萬事惟應聽化工十年知爾坐詩窮將身早脫樊  
籠外得意都憑竹素中雪徑尋梅携衲子霜林恰  
撥筇狙公閑來定有潭思作莫惜因風寄一通

送趙仁甫侍郎出按關東節

牛陂種豆再經春玉玦纔收玉節新青簡已留言  
事筆白頭仍是報恩身棠陰共喜褰帷早嶺路那  
愁叱馭頻鑑水蓬山雖信義主憂何日忘楓宸



送徐郎中秀夫出守忠原

論交長憶廿年前老夫相看雪滿巔我已摧殘脫  
要路君曾顛顚謫窮邊星郎妙選承新渥月岳名  
區異左遷理劇想應多暇日琴臺細和訥翁篇

送金侍郎伯厚泛海朝天

士生偏壤景堪傷華夏無因覩耿光千里遼河阻  
冠蓋十年滄海送舟航仙槎上漢千星象畫省含  
香輟侍郎聞說青齊當鷁路曾連遺迹更難忘  
晚向清朝忝共升幾年辛苦讀書燈交情到老長  
如水王事關心獨飲水淖海開帆風浪闊開河飛



蓋火雲蒸男兒各有桑蓬志此別居然萬垠仍

卽事

午飯飽來晡飯厭饅頭一顆覺輕安人生意足更  
何待老子胃衰須得寬向晚雲陰仍黯黯經旬霖  
雨已闌珊無人鮮取閑中趣信筆詩成獨自看

說高君涉

霽峯家世劇蕭條文彩如君是鳳毛臺閣舊游思  
冠易江湖晚興入埭螯浮生遽作風漚滅後死猶  
為逆旅勞遙向南雲寄哀挽白頭無地盡三弔

次韵寄羅應瑞來詩有夢裏相尋之意



霧豹初成滿體斑松筠無恙護柴閨佳人南國閨  
皓齒貧士東方常好顏病裏傳筒凡幾首夢中迷  
路更千山欲知玄晏新生活舊業全疎筆硯間

趙重峯先生改葬挽詩

每讀遺文涕自揮堂堂間氣竟何為生平謾有忠  
言切死後纔蒙聖主知杜志却成千古恨高名長  
共兩儀垂黃壚再掩英雄骨無限風雲草木悲

孤忠大節豈徒然遽學通才體用全碎首早聞攀  
檻直捐軀不愧結纓賢青山片石英雄淚白日佳  
城四十年撫古傷今增萬感執鞭微願託遺編青



片石指  
殉義碑

扈駕南漢城次金右尹得之韵

閃閃旌旗遠碧峯森森劒戟簇霜鋒層城億丈真  
形勝戎服千官總景從萬竈炊烟籠曉月五更寒  
折雜風松何時一掃胡塵靜不見軍容見國容

哭任茂叔二首

補遺

絕域聞君長逝辰淒風冷月助悲辛心無一寸摧  
仍盡淚有千行灑更新天上應收草記手世間難  
得敢言人可憐松栢凌寒在劫火燒來也作薪  
英英精爽見無回知子應非隋露人絳闌名歸天



上籍玉皇招作案頭臣公明壽祿寸何減伯道生  
涯業更貧任是百年還夢幼狔留遺草照千春

再用前韻謝樂全都尉

憾辭真為釣清詩新作何如舊所為強韻疊來才  
益富華戔寫出字仍奇身趨默闥慙朱紱夢趁鷗  
波弄碧漪歲暮行藏都自料莫將消長問庖羲  
厠足風塵苦未歸秦樓亦解戀郊扉看來瓜觔人  
人別媿殺謀猷事事非懶拙只堪投散地高賢應  
為變危機今年雨足田家樂莫恨南山種豆稀




谿谷先生集卷之二十一











金時寬

鄭萬祥

鄭次三

鄭萬桂

曹孟林

朴文炳

韓炯侯

鄭時柱

金萬鎰







卷之十

十